

蒙  
古  
游  
牧  
記

蒙古游牧記卷之六

平定張 穆撰

光澤何秋濤校

內蒙古伊克昭盟游牧所在

鄂爾多斯

鄂爾多斯部在歸化城西二百八十五里河套內至京

師千一百里東西北三面距黃河

黃河自甯夏府寶豐縣界北流出邊經右

翼中旗東納伯穆泊西納騰格里泊分數道折東流經右翼後旗界復合又東南納布爾哈蘇台河喀喇河納

都爾呼河又經左翼後旗北納博托河蘇爾哲河南納哈拉奔那河折東南施其東岸爲圖爾根河口烏蘭木

倫河口接歸化城界又經左翼前旗入邊爲榆林府界通與河水自靈武郡西南便北施凡千餘里過九原郡

乃東流自靈武以北漢人謂之西河自九原以東謂之北河元和志勝州榆林縣榆林關在縣東三十里東北

臨河又河濱縣黃河在縣東一十五步濶一里不通舟楫榆林志黃河在榆林衛北千里自甯夏橫城堡西折而北逕三受降城南至廢東勝州西折而南入府谷縣皇甫川東九里其中謂之河套周回數千里一統志鄂爾多斯三面皆距黃河自山西偏頭東至歸化城土默關至陝西甯夏衛延長二千里有奇東至歸化城土默特界世系詳卷二土默特部後歸化城在殺虎口北二各一外郭東西南三面三門明俺荅歸順改賜今名太宗崇德三年三月追喀爾喀札薩克圖汗至此壕狹勢難禦敵宜於城外建築城垣以資捍禦垣如城然高一丈五尺濶稱之俾可屯兵其上垣四面置四門門置甕城四隅各置望樓垣外環以深壕工竣之日內城外垣嚴加防守敵自不敢窺伺爾等其善爲之於是命王貝勒以下梅勒章京以上各出銀赴歸化城貿易康熙三十五年聖祖仁皇帝親征噶爾丹自白塔駐蹕於此受厄魯特俘輸西路凱旋之師焉城西南三十四里爲渾津村村南十里外有渾津巴爾哈孫舊城基陞城北有黑河向西流城西南百四十里

舊有托托城在黃河東岸，即河灘河朔也。今設托克托理事同知廳，綏遠城在歸化城東北五里，周回二千丈，高二丈四尺，門四，乾隆四年建。移右衛建威將軍駐其內，有碑記云：城在歸化城之東北五里，許大奇之山擁其後，伊克土爾根、巴哈土爾根之水抱其前，喀爾沁之水帶其左，紅山口之水會其右，地勢寬平，山林拱向，實當翁公嶺、喀爾沁口軍營之衝。西至喀爾喀界，南至陝西長城界，西南

至甘肅長城界，北至烏喇特界，本秦新秦中地。

史記始皇本紀

三十二年，使將軍蒙恬將兵三十萬人略取河。漢初爲南地，漢書食貨志：徙貧民充朔方，以南新秦中。

匈奴所有武帝元朔二年置朔方郡。

漢書武帝紀：元朔二年遣將軍衛青

李息收河南地，屬朔方五原郡。

屬井州。

朔方郡領縣十三，封朔方、涇陽、臨河、呼道、隴、渾、渠、搜、沃、犂、廣、牧。

臨戎後漢末廢，晉永嘉後，歷爲前後趙、前後秦地。義熙中

赫連勃勃據此。

都黑水南，號統萬城。詳見穆所撰延昌地志，夏州下。

宋李燾長編：太宗時

以夏州深在沙漠本好雄竊據之地欲墮其城遷民於  
銀綏間問宰相呂蒙正對曰自赫連築城以來頗與關  
右爲患若遂廢毀萬世之利也李繼隆聞朝議欲墮夏  
州遣其弟苑洛使繼和與監軍秦翰等入奏以爲湖方  
古鎮賊所窺覲之地存之可依以破賊并請於銀夏兩  
州南界山中增置堡戍以遏其衝且爲內屬番部之蔽  
而斷賊糧運不報淳化五年詔墮夏州故城一統志夏  
州故城在懷遠縣西本漢奢延縣地道光二十五年  
榆林府知府徐松檄懷遠縣知縣何丙勳確查夏統萬  
城故陞丙勳於是攜南鍼紙筆隨步定向從縣城外之  
圓水西渡出邊牆又西波磨姑河又西渡黑水河又西  
渡無定河地勢邈而高曼陀二里詐至舊相傳之白土  
城細加相度在懷遠城正西九十七里黑水河在無定  
河東距縣城五十里與所謂城在黑水之南者不合惟  
去白土城北五十里有淖泥河東入無定河之下流疑  
淖泥河爲古黑水其地有土城周圍三重俱用土築渡  
無定河西行二里許進頭道城又西半里許進二道城  
又西數十武進三道城頭道城內但餘瓦礫三道城  
內南面西隔鐘樓東隔鼓樓僅存基陸堅築白土  
墩高五六丈無殺可乘鐘樓尙堪登眺高約十餘丈白

土築成雞籠頂式大廈一間半已圯其半懸鐘屋頂形迹宛然周圍飛欄八層插椽孔穴厯厯可數尙有三四孔餘松椽半樞間椽之長出者悉爲蹺蹺孫升拔而薪之矣南面列土墩七堅硬如石似係臺樓之基北頭有白土坡似係宮殿之基北城東西兩角亦有土墩當卽俗所謂轉角樓者內城東西不及一里南北約一里有餘土人云每朔望味爽時空中輒現城闕之形城南無定河自西南來斜絡城南轉抱東城而東北流丙勳編訊土人僉稱此城之外懷遠草地別無故城基陟查縣西八十里無定河之北黑水之南亦并無堪建都會地勢疑此卽所謂後魏爲統萬鎮地後爲夏州北境隋於故統萬城也

其地東置勝州

其地在套內東北瀕黃河屈南流處與遼金東勝州相近但隔河耳唐勝州在

東豐州西置豐州大業初改勝州爲榆林郡豐州爲五原

郡後廢唐貞觀中復置勝豐二州天寶元年改勝州爲

榆林郡豐州爲九原郡乾元元年俱復故名其南境又

有宥州俱屬關內道唐末拓跋思恭鎮此

思恭以討黃巢有功賜姓

李有銀夏綏宥靜五州之地見宋史西夏傳

五代至宋金皆爲西夏所有元

滅夏立西夏中興等路後廢其地東屬東勝雲內二州

及延安甯夏等路明初城東勝等州並立屯戍耕牧其

內明史韃靼傳河套自甯夏至偏頭關延袤二千里饒水草外爲東勝衛東勝而外土平行敵來一騎不能

隱明初天順閒蒙古酋長阿羅出與毛里孩始入河套

朮加斯蘭復糾合滿都護倚爲巢穴宏治間火篩復入

其中延綏志明初王保保據河套洪武中追逐之築東勝等城並立屯戍天順六年毛里孩阿羅出等羅

忽三部始入河套成化四年阿羅出爲其黨仇加斯蘭所殺併其衆而結元裔滿都魯居河套九年總督王燧

率兵擊敗之乃渡河北去宏治八年北部復入河套未幾火篩據之總制楊一清上言河套當復會劉瑾用事

尋得罪去其後遂屢人寇嘉靖中無歲不擾總督曾銑請復河套嚴嵩譖殺銑自後無敢議者案阿羅出諸部以蒙古源流考之所謂毛里孩者翁里郭特之摩里海王也蒙古摩倫汗初育於其家及汗嗣位乃復弒之事在景奉天顯間所謂仇加斯爾者永謝布之伊巴里台吉也滿都護者鄂爾多斯之滿都資阿都勒呼也初達延汗議以次子烏嚕斯博羅特爲右翼三萬人濟農伊巴里及滿都資諸人悉之遂治兵相攻其情事尙約畧可尋獨所謂火元太祖十六世孫巴爾蘇博羅特達延備者不可攷耳

汗之第三子也始命爲管領右翼二萬人濟農

蒙古源流達延

汗因伊巴里滿都資無故加害烏嚕斯博羅特遂令阿巴噶科爾沁等帶領左翼三萬人前往征之鄂爾多斯之兵大半死焉右翼內或有投降者其餘被達延汗驅至青海將三萬人盡行收服於河津柴木達之上將鄂爾多斯之滿都資阿固勒呼殺死永謝布之伊巴哩太師隻身走入白帽之哈密城被其所殺達延汗遂收服右翼平定六萬兵民大衆於君汗之八白室前稱汗號令巴爾斯博羅特爲管領右翼三萬人濟農併授賽



音阿拉克案此事在正德七年壬申此後鄂爾多斯遂  
永爲達延汗子孫所據不應更有擊破火節之事疑明  
人記述  
長子衮弼哩克圖墨爾根明史謂之吉囊嗣爲

有姓

濟農案吉囊卽濟農譯音之變博明西齋偶得曰吉囊

者濟農也譯爲郡玉居河套者爲鄂爾多斯是也  
惟明人不知其爲號而以爲名至衮弼哩克圖卒子諾  
延達喇嗣爲濟農明人疑父子不應同名則曰吉囊子  
吉能更不究其  
名義爲可笑耳號車臣可汗嘉靖中擊破火節居之是

爲鄂爾多斯有子九分牧而處

案蒙古源流達延汗初  
命次子巴爾斯博羅特

統率右翼三萬人長子衮必里克墨爾根濟農丙寅年  
生祚驍占據鄂爾多斯萬人而居生子九長諾顏達喇  
濟農壬午年生占據四營次拜桑固爾癸未年生占據  
右翼扣克特錫包沁烏喇特圖伯特次衛達爾瑪癸未  
年生占據右翼達喇特杭錦墨爾格特巴罕次諾木塔  
爾尼甲申年生占據右翼巴蘇特衛新次布揚古賚丙  
戌年生占據右翼伯特金哈里郭沁次班札喇戊子年  
生占據左翼浩齊特克哩野斯次巴特瑪繖巴幹庚寅

年生占據左翼察哈特明阿特科爾沁之二十四處次  
阿穆爾達喇辛卯年生占據右翼四鄂托克衛鄂爾沁  
次鄂克拉罕癸巳年生占據服屬於察哈爾今鄂爾多  
右翼三鄂托克阿瑪該而居

斯七札薩克皆其裔

康熙三十五年

聖祖仁皇

等率屬渡河朝

御營獻馬

上手書諭皇

太子曰朕至鄂爾多斯地方見其人皆有禮兒不失舊  
時蒙古規模各旗俱和睦如一體無盜賊駝馬牛羊不  
必防守生計周全牲畜蕃盛較它蒙古殷富圍獵嫻熟  
雉兔復多所獻馬皆極馴取馬不用套竿隨手執之水土食物皆甚宜

正中近東爲左翼

中旗本隋唐勝州地札薩克多羅郡王游牧衮弼哩克

圖墨爾根曾孫博碩克圖

明人謂之卜失兔萬厯三十  
五年總督徐三畏言河套之

部與河東之部不同東部事統於一約誓定厯三十年  
不變套部分四十二枝各相雄長卜失兔徒建空名於  
上林丹汗惡之奪濟農號天聰九年察哈爾滅子額璘

臣來歸

賜復濟農號順治六年來朝封多羅郡

玉世襲罔替

佐領十七

牧地有納瑪帶泊

喀錫拉克河出旗界東北流豬焉

東至亥額爾吉廟

六十五里接左翼前旗界

蒙古名烏蘭木倫源

出臺石坡西平地西南流入邊城五十八里有喀楚爾

河源出喀楚爾坡西平地西南流會紫河入神木縣爲

屈野河六十二里有額爾吉河源出鮭南至神木營

額爾吉坡南平地西南流會喀楚爾河

二百里接邊城界理藩院則例載湖灘和碩至中衛沿

邊鄂爾多斯六旗設辦理蒙古民人事務官一員駐札

神木朔漠方略自神木由口外往榆林之路五十里

至俄爾几和泉爲一宿六十里至商所爾河爲一宿六

十里至伊克博東泉爲一宿八十里至楚兒哈齊井爲

一宿又七十餘里至榆林俱沙路自邊關外至甯夏之

正路無人知之但由神木過貝勒汪舒克所居阿都海

之地接擺站大道有一路若從此往則自神木五十里

至俄爾几和泉爲一宿四十里至塔拉泉爲一宿七十

里至摩都圖湖爲一宿八十里至俄欽湖爲一宿七十

里至俄都海爲一宿七十里至大路察漢札達海五十  
家驛爲一宿七十里至貝勒宋喇卜所居西拉布里都  
爲一宿六十里至博羅札喇克井爲一宿六十里至  
默井爲一宿六十里至沙克舒爾井爲一宿六十里至  
拜都井爲一宿五十里至神它特泉爲一宿四十里至  
橫城口爲一宿又三十餘里至甯夏城自神木邊至察  
罕札達海五十家驛路中水草柴薪無誤行道沙多自  
察罕札達海至橫城口路平水略少旗南有古白土  
故城漢置屬上郡後漢因之晉省水經注同水出白土  
縣同谷東遷其縣南括地志白土故城在鹽池東北三  
百九十里一統志案西至察漢額爾吉五十里接右  
其地近今神木縣北

至喀賴泉右翼後旗界東南至賀岳爾門綽克百八十里接邊

城界旗東南有美段故城漢置屬西河郡後漢西南  
因之晉省水經注南水出西河郡美稷縣是也

至額勒蘇特烏爾陀羅海六十里接邊城界旗西南

山湖近榆林甯塞堡北蒙古名佟哈拉克諾爾清水河  
注其內又有彬艸湖在甯塞堡西北收麥湖在磚井堡

邊外又明沙湖在鹽場東北至噶該陀羅海九十里接

界西北至喀喇札喇九十里接右札薩克駐鄂錫喜峯

一統志平地正西近南為右翼中旗本漢朔方郡南境

隋唐置豐州元和中移置宥州於此札薩克多羅貝勒

游牧額璘臣族子善丹崇德六年來朝順治七年封札

薩克多羅貝勒世襲罔替子索諾木孫松喇布俱以經

理驛站功晉封多羅郡王後仍襲貝勒佐領八牧地當

騰格里泊案仰古居申澤也漢書地理志朔方郡涇水

城西元朔五年立舊朔方郡治又北有枝渠東出謂之

迤西溢於窟澤縣故城東元朔二年開湖方郡治其水

積而為居中澤澤東西一百二十里關駟謂之渾澤屈

從縣北流又屈而東流爲北河東逕高闕南又東逕  
河縣故城北至河目縣西南屈逕河目縣左北假中又  
南合南河一統志案黃河北流經古朔方城之西行五  
百餘里一支分爲二岐東注水經所謂南河也其北河  
流至套外之阿爾布坦山南迤西溢爲大泊土名騰格  
里腦兒自此屈而東流過古高闕南行二百里許稍東  
南又折而西南與南河合水經所謂北河南屈逕河目  
縣左又南合南河是也水道提綱黃河北經阿布山塞  
爾旺喀喇山西麓至白塔之東東北稍曲拆北流岐爲  
二派一東北流經後旗西北境一北流注騰格里鄂模  
卽古窟潭之屠申澤也池東西甚長其西北有水名哈  
爾哈納河南流入焉池自西南迤而東北周百餘里又  
從池東北出會北來之阿爾坦河又東至察罕札達海  
東北爲庫庫鄂模始折而東北流又東至察罕札達海  
泊七十里接右南至賀通圖山俗名回回墓三百七十  
翼後旗界南至賀通圖山里接右翼前旗界三百七十  
南三百六十里有蘇海阿魯山康熙二十二年松喇布  
以牧地狹請移蘇海河嚕遣侍郎阿喇尼勘奏  
距定邊興武營邊或五六十里或百里非邊內可耕地  
應允其移牧旗南二百九十里有銀盤水蒙古名西

芝子存文己之鄂爾多斯 七

黑爾三百九十里有清水河蒙古名佟哈拉克源西至  
出邊內北流入佟哈拉克池百十里有特墨圖池康熙  
察罕托輝二百五十里接賽因諾顏左翼右旗界康熙  
免獵禁弁請由黃河造船渡允之五十二年  
輝尚書穆和倫等往勘議於柳塾剛柳塾房塾西塾四  
臺外暫令駐牧至是甯夏總兵范時捷奏察罕托輝係  
版圖內地蒙古游牧與居民樵採混不便請令仍以黃  
河爲界乾隆四十九年陝甘總督福康安奏稱鄂爾多  
斯黃河改向西流原在河西民人反在河東該處蒙古  
貪利濫以現行黃河爲界謂民人占據伊等游牧地方  
呈控派侍郎賽音博爾濟圖前往履勘仍照從  
前所定黃河舊流之地爲界釘椿立碑辦理完結  
略雍正四年二月議開察罕托輝河渠公舅舅隆科多  
等奏言臣等到甯夏阿拉善山前相視自察罕托輝至  
石碛子一百里其野廣平土脈肥潤籽種易生其地性  
較暖可引水如西河六羊河並古渠大溝黑龍口倒流  
河新河黃泥河董家河悉前人引水放水故道以年久  
多淤塞然形跡尙存今若更修建渠壩及放水閘其兩

岸可以墾田萬頃又據甘肅巡撫石文焯等奏言甯夏  
東北五十里曰察罕托輝其地南北延袤百餘里東西  
廣四五十里或二三十里東界黃河西界西河地平衍  
可開墾自鄂爾多斯遷後十餘年民間有私墾者若令  
開渠通水築堤建閘以時啟閉用資灌溉則曠土可盡  
爲沃壤今相度地勢自雙廟埧至六羊河可百餘里請  
倣漢唐諸渠法開渠一道建正閘一攔水閘稍開各一  
道水湃一又六羊河口近黃河處亦建正閘攔水閘稍  
開各一以資蓄泄又自上泗埧至六羊河岸東距黃河  
五里許築堤一道約長百里可以永禦黃水壅田六十  
餘萬畝議政王大員等議覆曰察罕托輝至漢及唐爲  
靈州地當時廣置屯田元至正間置屯田萬戶所明時  
套夷渡河而西侵據內地葫蘆河之東居民不得耕種  
實始棄之我朝德化廣被諸番臣服鄂爾多斯移歸  
套內以河爲界察罕托輝地久隸版圖案甯夏衛志漢  
唐二渠之支流有百家良由滿達拉等渠舊在察罕托  
輝左右若倣其遺跡開渠建閘甚善但隆科多石文焯  
所言建閘築堤處情狀各異臣等不能懸定方今總督  
岳鍾琪赴布隆吉爾相視地勢請以奏摺地圖令大理  
寺卿通智齋往同岳鍾琪至察罕托輝等處照圖驗實



具奏

從之臣等謹案

世宗憲皇帝特命

大臣齋地圖到阿拉善山前相度泉流求復故道爰發

帑金於河西牧場之地經理務濬開惠農及昌潤二渠

溉田數十萬頃遂爲萬世永賴旗西百三十里有色

爾騰山旗西五十里有巴哈托蘇圖河源出巴歡泉

西北流會伊克托蘇圖河入黃河二百二十里有博木

池大小折蘇圖河合北至馬陰山百十里接右翼後旗

注入之又西入黃河界山北平地西喇木

倫河出北流入東南至庫克陀羅海百里接右西南至

鄂爾吉虎諾爾橫城三百三十里接邊城界案橫城堡在甯夏東北

馬池邊內地康熙三十六年松喇布奏向市橫城距牧

遠乞近市定邊花馬池平羅城又邊內民有願出邊赴

車林塔拉蘇海阿嚕諸地耕者乞勿禁從之朔

漠方駁自安邊由口外至橫城之路自蘇海阿嚕八十

里至巴顏和碩有井二口七十里至班土庫木有井二

口一小水泊水鹹七十至伊克爾湖有鹹井二

三口七十里至庫克釵岔有井二口六十至哈畢圖

興武營有井四口七十里至科爾格大湖六十至橫

城共四百八十里此路水少而艸亦惡又安邊八十里外定邊相近有一泉自定邊至花馬池六十里邊外有一泉自花馬池至清水營一百七十里外有一大湖除此三處之水外其餘當宿之地無水邊外不可行西南三百三十里有庫葛爾黑河源出庫葛爾黑泉南流入邊又西折出邊入黃河明統志黑水河在甯夏衛城東番名喀喇禿東北至鄂蘭拜百二十里接右翼後速西流注黃河

二里有達西北至阿爾布坦山舊名省鬼山二百二十里接賽音諾顏部界寰

宇通志山踰黃河因省鬼城而名黃河東有省鬼口爲防禦要地其下有城西夏所築也穆案鄂爾多斯盟名

伊克昭蒙古謂大曰伊克廟曰昭夫此大廟之名曷起

乎理藩院則例載伊克昭境內有青吉斯汗園寢鄂爾

多斯七旗向設有看守園寢承辦祭祀之達爾哈特五

百戶每年共出銀五百兩以供祭祀修理之用於該盟

內奏派賢能札薩克一員專司經理然則伊克昭之

名爲因青吉斯汗園寢得名矣而園寢所在無的處史

稱元世諸帝自太祖以下皆葬起輦谷起輦谷何在於各家謨述亦無徵也案蒙古源流卷四載青吉斯汗於

歲次丁亥七月十二日歿於圖爾默格依城於是奉樞至所卜久安之地因不能請出金身遂造長陵共仰庇護於彼處立白屋八間在阿勒坦山陰哈岱山陽之大誇特克地方建立陵寢號爲索多博克達大明青吉斯汗自後元裔之製汗號者率卽位於八白室前卷六載達延汗降旨云鄂爾多斯者乃爲汗守禦八白室之人屬大有福者阿勒坦山卽此右翼中旗西北之阿爾布坦山康熙圖載阿爾坦山在河套外騰格里泊西北五十里許與喀爾喀接界是善巴再從弟丹津額爾德尼之祖畢瑪哩吉哩諦牧地也方略康熙十九年噶爾丹屬私掠內札薩克烏喇特部界畢瑪哩吉哩諦以所居哈魯特山距烏喇特六日程慮還掠詔設汛防禦一統志稱丹津額爾德尼駐牧地北至阿爾泰山陰然則哈岱山卽畢瑪哩吉哩諦所居之哈魯特山矣又土默特德貝子號知蒙古掌故徐君松述其語云元太祖葬地在榆林邊外極西北地名察罕額爾格察罕白也額爾格帳房也貝子此語與八白室義合然則額爾格卽誇特克譯字之幾大誇特克地方卽史所稱起筆谷其地在今賽因諾顏左翼右旗與鄂爾多斯右翼中旗兩界之交無疑也又案葉子奇艸木子元諸帝

陵皆在起輦谷其國制不起墳壙葬畢以萬騎蹂之使  
平殺駱駝子於上以千騎守之來歲春艸既生則移帳  
散去彌望平行人莫知也欲祭時則以所殺駱駝之母  
爲導視其躑躅悲鳴之虛則知葬所矣故易世之久子  
孫亦不能識也而世遂訛以元陵爲在歸化城西北祁  
連山中張文端漠北日記云出歸化城行九里入祁連  
山此山亦名祁連非甘伊以西之祁連也遠望石峯疊  
翠入其中則斗阜蜿蜒相傳元世祖陵詩注陵無封樹獵者  
不立陵墓云云徐蘭謁元世祖陵詩云昔朱明修祀典會命  
或踐其地輒有風雷之異詩云聞昔朱明修祀典會命  
禮臣巡禹甸伏義下逮宋理宗三十六陵皆祭徧祁連  
因未入提封欲齋香帛無由從掃階屋順天府春秋  
遙望青芙蓉芙蓉青亂雲宿中有三間老瓦屋征人  
遙望綠琉璃知是元家起輦谷沿誤與文端同至壘之  
鑰後出塞錄稱起輦谷在房山縣又因順天府望祭之  
說而誤所謂岐中之岐也惟我朝既於伊克昭盟祭特  
設有祭祀修理之札薩克而禮部則例載祭歷代帝玉  
各於其陵元太祖世祖則遙祭於順天府清河河北仍沿  
明制殊爲岐互此又祀典之必當刊正者旗西北百  
十里有黃艸山蒙古名庫勒爾齊百二十里有哈伯察

齊山鄂蘭喀喇陀羅海山百二十五里有孤隆山二百四十里有色爾蚌喀喇山旗西北百里有伊克托蘇圖河源出布海札喇札薩克駐錫喇布里多諾爾直甯克之地西流會黃河札薩克駐錫喇布里多諾爾夏東北三百五十餘里鄂蘭河東東南爲左翼前旗本古榆林滔賴河北流合而豬焉

林塞史記趙世家武靈王二十年西略地至榆中林胡傳王恢曰蒙恬爲秦侵胡辟數千里以河爲竟累石爲城樹榆爲塞又衛青傳青度西河以至高闕遂西定河南地按榆谿舊塞絕梓嶺梁北河師古曰上郡之北有諸大山諸次水出焉東經榆林塞爲榆谿言軍尋此塞而行也水經注諸次水東運榆谿塞世又謂之榆林山卽漢書所謂榆谿舊塞者也自谿西去悉榆林之數矣緣悉沙陵屆龜茲縣西去故謂廣長榆也王恢云樹榆爲塞謂此也通典榆林塞在勝州榆林郡南界元和志榆林縣地北近榆林卽漢之榆谿塞九邊圖說秦榆谿舊塞西屬朔方東爲河西西南有上郡而黃河三面環之漢歷隋唐皆爲邊鎮宋沒於西夏後爲章孔興所據明初定陝西設綏德衛於發兵屯道榆林西略豐州築城

宋勝以統領套內自正統未盡爲吉囊父子所據都督王楨遮築榆林城於上郡僅足蔽延安綏德而已

置榆林郡唐屬勝州

置河濱縣元和志河濱縣本漢沙南縣地後魏及周爲銀

城縣地隋爲榆林縣地貞觀三年於此置河濱縣東臨

河岸因以爲名改雲州爲威州八年廢威州以縣屬勝

州河濱關在縣東北貞觀七年置寰宇記縣在勝州南

一百九十里五代時與州俱廢一統志按此在黃河西

岸爲唐時勝州之河濱若遼置東勝州亦領榆林河濱二縣其地在黃河東岸非隋唐舊地也

宋爲西夏所據明初榆林左衛地札薩克固山貝子游牧額璘

臣從子色稜順治六年封札薩克固山貝子世襲罔替

康熙十五年卒十六年追敘復神木城功子寰布喇什

晉多羅貝勒寰布喇什卒子根都什轄布仍襲貝子

領佐百四十五里接歸化城土默特界案古君子津當在此間

水經注河水於楨陵楓過二縣間濟有君子之名魏書  
昭成帝建國二十五年南巡至君子津世祖始光四年  
詔執金吾桓貸造橋於君子津元和志勝州河濱縣黃  
河在縣東一十五步渡處名君子津朔漢方略康熙  
三十五年十一月諭皇太子曰二十七日駐蹕  
麗蘇邨二十八日駐湖灘河朔漢人稱此為脫脫此  
卽黃河之岸波流甚緩非南方黃河之比較天津入海  
狹河尤狹二十九日朕詣河干將河測量其闊五十三  
丈仰射而過五十餘步於是登舟逆流舉棹以試水勢  
船猶可行自歸化城至黃河岸一百七十里又自湖灘  
河朔起至甯夏止安十三塘布顏努坐烏蘭巴爾哈孫  
金鉉坐呼蘇臺馬之德坐哈拉克劉世隆坐額令烏  
黑禮陸芝秀坐白塔巴圖坐察罕齊老圖陳世安坐鄂  
爾濟圖蘇麥覺羅明玉坐達布素諾爾宜思孝坐托索  
圖果兒蘇達坐穆色吳興祚坐尙索爾祖興邦坐拜圖  
劉思炎坐祚它特布拉克自祚它特布拉克至橫城驛  
三十里安塘畢高士奇扈集六師冰渡黃河詩注  
湖灘河朔在歸化城西北三百里卽黃河上源河西北  
二千餘里卽河套今爲鄂爾多斯地十月二十八日至  
河岸河流甚駛色不甚薄次早卽流凌難渡十一月初

五月上源冰合人馬在水上行岸南一上城大十餘里  
名曰脫脫城相傳爲脫脫所築城內荒蕪今惟築倉廩  
貯糧卽向年所運者 旗東五里有克丑河源出噶克  
釵貝頓東平地東南流會芹河二十五里有芹河蒙古  
名伊克錫喇爾吉台源出都爾伯特拜坡東平地南流  
入邊城爲府谷縣界之清水川五十五里有小芹河蒙  
古名巴哈錫喇爾吉台源出得勒蘇台坡南平地西南  
流會芹河七十里有塔爾奇爾河源出噶克釵墨頓東  
流入黃河入十里有布林河源出察木哈克泉東南流  
入黃河又旗東七十里有大昆兌河入黃河處爲娘娘灘  
蒙古名伊克昆兌八十五里小昆兌河南至清水營百  
入黃河處爲太子灘蒙古名巴哈坤兌南至清水營十  
里接邊城界 旗南三十里有西河源出科爾口東流  
會芹河四十里有韋爾圖河源出古爾板多博坡南平  
地南入 西至蘇額爾吉廟 百里接左翼中旗界 旗西  
邊城 羅巴爾哈孫東平地西南流會紫河六十里有陀索圖  
河源出得勒蘇台坡西平地南流會布哈河入十里有  
蘇桂河源出翁袁坡南 北至賀陀羅海 百里接左翼後  
平地南流會布哈河 旗界 旗北四



十里有巴哈得石峯東南至喀喇和碩入十五里接邊城界

名和岳爾喀喇花羅海遼天祥失國東遁入夾山疑卽此也旗東南八十里有小昆兌河東南流入黃河入

十五里有哈岱河源出賀岳爾西南至額勒默圖百里博金坡南平地東南流入黃河

城界旗西南百四十里有博羅哈爾吉圖河源出平地南流入邊城一統志接此河及獐河卽府谷縣界之

九股東北至黃河百三十里接歸化城土默特界西水也

北至可退坡八十里接左翼後旗界札薩克駐札拉

谷東北爲左翼後旗本漢沙南縣地屬雲中郡故城在

隋唐勝州榆林郡治隋書地理志榆林郡開皇二十年

俄國時爲晉趙地始皇時爲雲中郡漢末匈奴侵邊其

地遂空晉末屬赫連氏後魏迄周往往置鎮不立郡縣

隋開皇三年於此置榆林關七年又置榆林縣屬雲州

二十年割雲州之榆林富昌金河三縣置勝州大業五

年以勝州爲榆林郡十五年郡人郭子和以城入突厥  
武德四年子和歸國其地又陷梁師都貞觀二年平師  
都三年仍舊置勝州以決勝爲名西南至麟州四  
百里至夏州九百里南至銀州七百里北至豐州七  
百里又榆林縣郭下本漢沙南縣地北近榆林卽漢之榆  
溪塞因名屬雲州二十年改屬勝州榆林關在縣東三  
十里開皇三年置寰宇記勝州西北至河十里正東至  
河四十里陝西通志勝州城在榆林衛東北四百五十  
里一統志接隋唐勝州在套內東北瀕黃河屈南流處  
與遼金東勝州相近但隔河耳又按唐勝州在豐州東  
不在南元和志於豐州下旣云東至勝州五  
百三十里此又云北至豐州七百里疑誤

札薩克固

山貝子游牧額璘臣從弟沙克札崇德六年來朝順治

七年封札薩克固山貝子世襲罔替

佐領四十

牧地東至黃

河管帶津

百五十里接歸化城土默特界旗東十二

里有次台河源出布木巴泉東北流入黃河  
五十里有喀錫拉克河源出色泊呼勒泉東北流入奈  
馬代泊百十里有漁河蒙古名折葛蘇台源出托諾克

陀羅海山東北流入捕魚池百四十里有蒲河蒙古名呼魯蘇台源出察罕陀羅海岡東北流入蒲池旗東四十三里有柰馬代泊百十里有捕魚池蒙古名折葛蘇台漁河注入其中百三十里有蒲池蒙古名呼魯蘇台蒲河注入其中百四十里有黑水池蒙古名喀喇烏蘇南至賀陀羅海百五十里有黑水池蒙古名喀喇烏蘇西至察罕額爾吉里接左翼前旗界旗南四十里有伊西至察罕額爾吉里接左翼前克翁袞岡巴哈翁袞岡東北流入黃河五十里有喀賴河源出朱爾罕呼圖克東北流入黃河百二十里有兔毛河蒙古北流入黃河百二十里有兔毛河蒙古察罕陀羅海岡北流入黃河百二十里有兔毛河蒙古名滔資昆兌源出敖柴達木西北流入黃河北至黑水泊河二百四十里有小黑河東流入黃河北至黑水泊二十里接東南至阿魯得勒蘇里九十里接左翼前旗烏喇特界東南至阿魯得勒蘇里九十里接左翼前旗里退諾克陀羅海山其西曰拜圖西南至哈錫拉克陀羅海百三十里有察漢陀羅海岡西南至哈錫拉克陀羅海百四十里接東北至台碩額勒蘇里八十五里接左翼中旗界

特界西北至綽和爾末里圖三百七十里接烏喇特界

蒙古名伊克土爾根源出呼魯頓之地東流至烏拉

達斡爾入黃河三百十里有烏爾巴齊河源出平地東流

入黃河三百七十里有車倫木根河源出撒爾奇喇之

地東流入黃河又旗西二百四十里巴哈土爾根河入

黃河處土名遮遮渡札薩克駐巴爾哈遜湖西南為右翼前旗隋

唐夏勝二州地札薩克固山貝子游牧額璘臣從子額

琳沁順治六年封札薩克固山貝子世襲罔替佐領四十二

牧地東至察罕額爾吉五十里接左翼中旗界旗

圖察南至榆林衛二百三十里接邊城界朔漠方略自

罕池孔達海為一站有小泊一方八十里至馬齊圖

有大河水六十里至拖河圖為一站有小泊一方井一

口六十里至納林河為一站有小河水八十里至古壘

一站有井一井一八十里至阿兒灘喇達素一站有井一

凡九十里至烏喇素一站有井一口七十里至察漢陀  
羅海一站有井一口五十里至哈沙圖一站有井一口  
八十里至橫城口一站此路分爲九宿第十站至橫城  
共七百三十餘里水甚少路亦大沙又有沿邊外至安  
邊一路自榆林七十里至他喇泉一站有泉水八十里  
至海流岡河一站有大河水八十里至什喇泉一站有  
泉水七十里至札哈泉一站有泉水五十里至哈達俄  
羅木一站有河水六十里至蘇海阿魯一站有河水六  
十里至安邊爲一站此路自榆林起七宿到安邊共四  
百七十餘里路雖小有沙而水艸足用旗南二百二  
十里有恩多爾拜山旗南九十里有席伯爾河源出  
莽格岡呼爾呼之地南流會錫克丑河入邊城爲榆林  
之榆溪西河上源百七十里有阿爾塞河源出恩多爾  
拜山南平地西南流會席伯爾河旗南三十五里有  
長鹽池蒙古西至摩多圖察罕泊百三十里接右翼中  
名達布蘇圖西至摩多圖察罕泊旗界旗西三十五  
里有越沒濼蒙古東南至察罕鄂博二百里接邊城界  
古名鄂爾吉扈東南至察罕鄂博旗東南百四十里有  
總柴山蒙古西南至介喀圖瑚拉琿三百里接邊城界  
名摩多圖旗西南有故

延城漢置屬上郡後漢因之晉省水經注奢延水出奢  
延縣西南亦沙阜東北流逕其縣故城南是也有廢宥  
州城宥州有新舊二州俱唐置元和志廢宥州在鹽州  
東北三百里夏州西北三百里開元十六年置寶應以  
後廢新宥州在夏州西北三百二十里廢宥州東北三  
百里東南取夏州路至上都一千三百里東至麟州六  
百里西南至鹽州六百五十里北至天德軍六百里東  
北至中受降城五百六十里南至鹽州六百里初調露  
元年於靈州南界置魯麗含塞依契等六州以處突厥  
降戶時人謂之六胡州長安四年併爲匡長二州神龍  
二年復置蘭池都督府在鹽州白池縣北八十里仍分  
六州各爲一縣以隸之開元十一年康大賓叛亂克定  
後遷其人於河南江淮諸州二十六年還其餘黨遂於  
此置宥州以寬宥爲名也後爲甯朔郡領縣三懷德延  
恩歸仁天寶中宥州奇理經略軍寶應以後因循遂廢  
由是昆夷屢來寇擾黨項元和八年冬同鶻南過虜取  
西城柳谷路討吐蕃西城防禦使周懷義表至朝廷大  
恐以爲回鶻聲言討吐蕃意是爲寇惟中書侍郎平章  
事李吉甫以爲回鶻入寇且當斷絕和事不應使來犯  
邊今之多士居平則橫生異議深沮邊計及聞邊警又

承虛聲以洵朝廷冀因幾危搖動時事但當設備不足  
爲慮因請自夏州至天德軍復置廢館一十一所以通  
急驛又請夏州騎士五百人營於經略故城應援驛使  
兼護黨項部落上悉從之又上言國家舊置六胡州在  
靈州界內開元中廢六州置宥州以領諸降戶天寶末  
宥州寄理於經略軍蓋以爲居中可以總統蕃部北接  
天德南據夏州今經略軍遠礙靈武通路乘越又不置  
軍鎮非舊制也請置宥州理經略軍至九年五月詔復  
於經畧軍城置宥州仍爲上州於州郭下置延恩縣爲  
上縣改隸夏綏銀觀察使取鄜城神策行營兵馬使鄭  
杲下兵士并家九千人以資經略軍又置州之日版築  
之下掘得釜二百五十四口悉堪烹飪識者以爲暗合  
前賢之規模亦足以彰元化之所感也其釜并散給諸  
營以資軍用又頃年每有回鶻消息常須經太原取驛  
路至闕下及奏報至己失事宜今自新宥州北至天德  
置新館十一所從天德取夏州乘傳奏事四日餘便至  
京師舊唐書地理志宥州天寶元年爲甯朔軍至德二  
年改爲懷德軍都督府乾元元年復爲宥州元和十五年  
年移治長澤縣爲吐蕃所破長慶四年夏州節度使李  
祐復置旗西南三百十里巴音山三百九十里

錦屏山蒙古名巖靈。旗西南百八十里。有哈柳圖河。源出瑚拉琥之地。東南流合細河。金河二水入。榆林。遷至波羅營。會西來之額圖渾河。爲無定河。一統志按此。卽榆河。無定河之別源。古黑水也。亦名吃那河。元朱思本河源記。吃那河源自古宥州東南。流過綏德州。凡七百里。與黃河合。二百十里有細河。蒙古名納林河。源出蒙里泉。南流會哈柳圖河。二百九十里。有金河。蒙古名錫喇烏蘇。源出磨瑚拉琥之地。南流會哈柳圖河。三百六十里有石窯川河。蒙古名額圖渾。古奢延水也。源出賀佟圖山。山北平地。東南流合數小水。入懷遠縣。邊爲恍惚都河。又折東北。至波羅營。會哈柳圖河。爲無定河。旗西南三百里有紅鹽池。蒙古名烏楞諾爾。明史韃韃傳。滿魯都入河套。稱可汗。卽加思蘭。爲太師。成化九年。滿魯都等與孛羅忽。并寇韋州。王越偵知。敵盡行。其老弱巢紅鹽池。率輕騎晝夜急馳。至大擊破之。復邀擊於韋州。滿魯都等敗歸。則孛畜廬帳已蕩盡。妻孥喪亡。乃相顧悲哭。去自是不復居河套。邊患少弭。

東北至哈達圖泊。

三十里。接左翼後旗界。

西北至察罕札達海。

華名善木池。六十五里。接右翼中旗界。

札薩克駐巴



哈諾爾

直榆林府北二百三十里

西北爲右翼後旗漢朔方郡地記

匈奴傳秦始皇使蒙恬將十萬衆北擊胡悉收河南地因河爲塞築四十四縣臨河十餘年諸侯叛秦匈奴復稍渡河南與中國界於故塞後冒頓南并樓煩白羊河南王悉復入秦使蒙恬所奪匈奴地與漢關故河南塞至朝那膚施漢書衛青傳元朔元年青爲車騎將軍明年出雲中以西至高闕走白羊樓煩玉遂以河南地爲朔方郡使蘇建築朔方城後漢書順帝記永和五年徙朔方居五原魏志建安二十年省朔方郡水經注河水東北逕三封縣故城東漢武帝元狩三年置十三州志曰在臨戎縣西一百四十里又北逕臨戎縣故城西元朔五年立舊朔方郡治又北有枝渠東出謂之銅口東逕沃野故城南元狩三年立又北屈而爲南河出焉河水又北逕西溢於麻渾縣故城東元朔二年開朔方郡治又有西部都尉治有道自縣西北出雞鹿塞其水積而爲屠申澤河水又屈而東流爲北河東逕高塞南又東逕臨河縣故城北又南合南河又南逕馬陰山西又東南逕朔方縣故城東北詩所謂城彼朔方也漢元朔二年大將軍衛青取河南地爲朔方郡使校尉蘇建築

朔方城卽此城也。元和志：夏州朔方縣，本漢舊縣。今縣  
理北什賁，故城是也。漢末荒廢，後魏更置巖綠縣。隋因  
之，貞觀二年改爲朔方縣。自漢至今，常爲關中根本。什  
賁之號蓋蕃語也。穆案：鄜注前一說漢朔方郡當治  
臨戎縣，屬班志第十據。不一說，郡當治朔方縣，屬  
班志第二。元和志：蓋用第二說，故云卽縣北什賁。故城  
然漢朔方縣在旌界黃河東岸，臨戎縣在朔方縣西。黃  
河向北流之東岸，地界毘連不甚相遠。酈李之說本無  
不合。惟元和志於豐州下忽又謂朔方郡治三封，旣自  
相矛盾，而地志家多因之，則緣三封爲班志第一縣，誤  
以郡國志例爲班志例耳。潛工劄記：獨明其不然，可謂  
精確矣。然如窟渾爲初開朔方時郡治，後徙郡治臨戎，  
而窟渾再爲西部都尉治，核以紀年顯然明白。潛工乃  
不仍臨戎，而註而引窟渾，亦稍誤也。又案：臨河在朔  
城西北，渠搜在朔方城東，廣牧在朔方城西，臨戎在朔  
方城西北，河向北流之東岸，一統志按三封故城在套外  
黃河西岸，沃埜故城在套外，河水北流一曲之西，窟渾  
故城則在今阿爾坦山之南，騰格里湖之側。朔方一郡  
惟此三縣。隋唐爲豐州九原郡治。隋書地理志：五原郡  
在套外耳。

壽元年置總管府大業元年府廢治九原縣元和志豐  
州秦上郡之北境秦末沒胡漢置朔方郡靈帝末羌胡  
擾亂城邑皆空永嘉後匈奴衛辰父子新居其地後魏  
又爲夏州北境周武帝於今永豐縣置永豐鎮隋開皇  
三年於鎮置豐州後廢貞觀四年突厥降附又權於此  
置豐州都督府不領縣惟領蕃戶以史大柰爲都督十  
一年大柰死復廢府以地屬靈州二十二年又分置豐  
州天寶元年改爲九原郡乾元元年復爲豐州東至勝  
州五百三十里西南至靈州九百里東南至夏州七百  
五十里西北至河西城八十里又九原縣本漢之廣牧  
舊地永徽四年重置縣其城周隋開俗謂之甘州城唐  
書唐休璟傳永淳中突厥圍豐州朝廷議棄豐保靈夏  
休璟上疏口豐州控河邊寇號爲襟帶自秦漢以來常  
郡縣之土田良宜耕牧隋季喪亂不能堅守乃遷就  
靈慶戎羯得以乘利而交侵始以靈夏爲邊唐初募人  
實之西北一隅得以完固今而廢之則河防地復爲賊  
有而靈夏亦不足自安非國家利也高宗從之城北有  
鴨鵝泉李蓋詩綠楊著水草如煙舊是胡兒飲馬泉自  
注鴨鵝泉在豐州城北胡人飲馬於此一統志按豐州  
至朱慶厯中陷於西夏嘉祐七年復以府州羅泊川置

豐州地在今河套東南府谷縣之北非此隋唐所置豐州也 札薩克固山貝子游牧

額璘臣從子小札木素所部有大札木素故語小以別之 順治六年大

札木素叛小札木素不附逆 詔封札薩克鎮國

公世襲罔替孫都稜康熙三十七年敘從征噶爾丹督

護糧運功晉固山貝子都稜孫齊旺班珠爾乾隆十九年議剿達瓦齊獻駝馬牛羊贍

軍晉多羅貝勒子喇什達爾濟仍降襲貝子佐領三十六 牧地東至免

毛河四十里接左翼後旗界 旗東十二里有巴哈朱

南至喀喇札喇克二十四里有苦水池蒙古名察罕札達海 旗南百

西至噶札爾山百四十里接右翼中旗界 旗西百四

旗西百三十里有赤沙河源出赤沙泉東北流入鍋底池百二十里有免河 旗西六十里有固爾班稻圖池

共有三池故名九十里有鍋底池周圍二十餘里產鹽

免河赤沙河二水注入其中卽漢朔方縣鹽澤唐名胡

洛鹽池者也今土人名喀喇莽奈腦兒漢地理志朔方

郡朔方金連鹽澤青鹽澤皆在南水經注魏土地記日

朔方縣有大鹽池其鹽大而青白色名日青鹽又名戎

鹽入藥分漢置典官鹽池去平城官千二百里在新秦

之中唐書食貨志安北都護府有胡洛池歲得鹽萬四

千斛以給振武天德元和志胡洛鹽池在長澤縣北五

百里周同三十里亦謂之獨洛池聲相近也一統志按

漢時朔方鹽池有二至後魏時止言一池卽唐之胡洛

鹽池今喀喇莽奈大鹽池也金連鹽澤今不可攻水道

提綱套中產鹽池以喀喇莽尼爲大卽古金連鹽澤及

青鹽澤唐時名胡洛鹽池北至塞特勒赫墨突二十里

者百五十里有紅水池

特東南至巴彥泉百五十里接左翼後旗界

南至達爾巴哈岡百五十里接右翼中旗界

倫源出馬陰山北平地東北至拜塞墨突四十里接

東北流入固爾班河

北至哈洛爾博羅百八十里接札薩克駐鄂爾吉虎諾

爾直榆林府正北少西四百餘里依右翼前旗爲右翼前末旗札薩克

一等台吉游牧會典作開散輔國公誤額璘臣從曾孫定咱喇什

曾祖烏巴什號都噶爾岱青順治六年以不從大札木

素叛授二等台吉康熙十四年從大軍剿平花馬池定

邊城諸賊晉一等台吉尋卒子素諾木多爾濟孫桑忠

多爾濟皆襲二等台吉定咱喇什卽桑忠多爾濟長子

雍正九年敘屢次從軍斬賊功晉一等台吉乾隆元年

議族屬繁增旗一授札薩克四十九年詔世襲

罔替佐領十三所部七旗同收自爲一盟曰伊克昭貢道由

殺虎口

所部歲貢康熙十三年題准共進九九計與哲羊八十一隻乳酒八十一瓶乾隆元年裁

里木卓索圖昭烏達錫林郭勒烏蘭察布五盟同列內

札薩克

內蒙古驛凡五道喜峯口一道除喜峯口寬城內地所設二站外設蒙古站十六日和齊台品

郭勒日喀斯瑚日託和圖日伯爾克日黃華圖日錫喇諾爾日庫呼車日三音哈格日錫喇郭勒日奎素布托

日博羅阿布齊日諾木齊日哈沙圖日哈拉塔克洛素特日珠特日哈達罕以達於喀喇沁土默特喀爾喀左

翼放漢奈曼札魯特科爾沁郭爾羅斯札賚特杜爾伯特諸部古北口一道除古北口至坡賴村內地所設五

站外設蒙古站十日除古北口至錫爾哈日阿木溝日卓索日徹圖巴日賴三呼都克日錫喇木倫日噶察克日

海拉察克日阿魯噶穆爾以達於翁牛特札魯特巴林阿魯科爾沁烏珠穆沁諸部獨石口一道除獨石口內

地所設一站外設蒙古站其第一站奎屯布拉克在察哈爾境內入蒙古境者五站日額爾根日卓索

圖日錫林郭勒日瑚魯圖以達於克什克騰阿巴噶阿巴哈納爾浩齊特諸部張家口一道除張家口內地所

設一站外設蒙古站是為阿爾泰軍臺其第一站察漢  
陀羅海以及第九站沁岱皆在察哈爾境內至第十九  
站奇拉伊木呼爾以下已接喀爾喀境內在內蒙古境  
者九站曰烏爾哈達曰奔巴圖曰錫喇哈達曰布魯圖  
曰烏爾呼都克曰察漢呼都克曰錫喇木倫曰鄂爾呼  
都克曰吉爾斯洪果爾以達於四子部落蘇尼特喀爾喀  
右翼茂明安諸部殺虎口一道除殺虎口內地所設一  
站外設蒙古站十一北路四站曰八家站曰二十家  
站曰薩拉齊曰歸化城皆在土壘特境其烏喇特三旗  
卽由歸化城達之西路七站曰杜爾格曰東素海曰吉  
格素特曰巴彥布拉克曰阿魯烏爾圖曰巴爾素海曰  
察漢陀羅海以達於鄂爾多斯部康熙三十一年理藩  
院議准各蒙古地方安設驛站每驛相去百里除土默  
特奈曼喀爾喀左翼科爾沁由山海關邊外行走郭爾  
羅斯和爾伯特在黑龍江大路不另置驛自喜峯口至  
札賚特爲一路計程千六百餘里現有管城二驛應設  
十四驛自古北口至烏珠穆沁爲一路計程九百餘里  
有鞍子村江鄉十八里臺諸驛應設六驛自獨石口至  
浩齊特爲一路計程六百餘里應設六驛自張家口至  
四子部落爲一路計程五百餘里應設五驛自殺虎口至



至烏喇特爲一路計程九百餘里現有二驛應設七驛  
自歸化城至鄂爾多斯八百餘里應設八驛仍爲殺虎  
口一路各驛站均於  
水泉形勝處安設

蒙古游牧記卷之六

受業歙縣徐景軾覆校

蒙古游牧記卷之七

平定張 穆撰

光澤何秋濤校

外蒙古喀爾喀四部總敘

喀爾喀四部八十六旗東至黑龍江呼倫貝爾城界南至

瀚海西至阿爾台山

又作阿爾泰今作阿勒坦

與新疆伊犁東路界

北至俄羅斯界東西延袤五千里南北三千里古北狄

地唐虞則山戎夏則獯鬻周則玁狁據之

玁亦作獫案古止作嚴允

玁季子伯盤可證俞君正熒曰玁狁古無此字說文詩用毛氏亦無之今毛詩玁狁不知何時寫本漢書匈奴傳作獫允韋元成傳則有狁字案獫允漢時北狄在周則西戎也詩采薇玁允序以爲文王時漢匈奴傳以爲

懿王時殆魯詩師說皆雍州事序言西有昆夷之患北有獫狁之難者以出車言往城于方城彼朔方又言薄伐西戎故分言之實則皆秦漢曰匈奴杜佑曰山海經西戎特獫狁在昆夷北耳已有匈奴周書又曰正北匈奴以蒙駝爲獻當時猶微也漢初冒頓并有漠南衛青霍去病

連攘卻之乃復北徙後漢仍爲北匈奴地後魏曰蠕蠕

本名柔然魏太武改名其境西則焉耆之地東則朝鮮之地北則渡沙漠窮瀚海南則臨大磧其主社論始號

可汗納蠕蠕滅而突厥興盡有西北之域其境東至遼言皇帝蠕蠕滅而突厥興盡有西北之域海以西至

西海萬餘里南至沙漠北至北海五六千里唐初李靖擊滅突厥回紇及薛

延陀並稱強李勣滅薛延陀回紇遂并有其地貞觀四年回紇

來朝以其地爲瀚海燕然金微兩陵龜林盧山六都督府又置皋蘭高闕雞田榆溪雞鹿蹕林賓顏等七州以

部長爲都督刺史長史司馬皆隸燕然都護府其後并有九姓諸部盡得匈奴故地回紇益強此爲回紇地又

東爲室  
韋地  
五代至宋回紇始衰與室韋媼厥律諸部散居

其地羈屬於遼金大安初蒙古始盛案舊說契丹建國號曰遼譯言鎭鐵

蓋卽爾雅白金美者謂之鏐之鏐故女真抗遼則名其

國曰金達達抗金則名其國曰蒙古蒙古銀也博明西

齋偶得曰遼爲契丹金爲女直契丹本音乃契塔特女

直係由女真女真由朱里真迭改其本音乃朱里批特

見元秘史蒙古文今蒙古人猶以是呼之又曰蒙古呼

漢人爲契塔特蓋蒙古初爲忙古部越在大漠北至後

五代時始通中夏惟時燕雲十六州皆屬契丹故以遼

國名稱之較其世次尚在朱里真未以金號其國之前

蒙古太宗七年建都和林沈君堯曰元地理志太祖十

祖在西域春三月帝克赫華城夏五月克諱思干城駐

蹕也石的石河秋克幹脫羅兒城駕未中回安得有建

都城之事又十五年歲次庚辰正長春真人由燕京往

德輿之歲西遊記云師聞行宮漸西春秋已高欲待駕

回朝謁則自前年征西域後駕實未嘗中回也且太祖

所居之見於紀者六年春帝居怯綠連河十一年春居

廬胸河行宮十九年由西域班師二十年春正月還行  
 宮秋七月崩於薩里川哈老圖之行宮本紀不見有和  
 林之名安得謂和林爲太祖所建太宗元年秋八月諸  
 王百官大會於怯綠連河曲雕阿蘭之地以太祖遺詔  
 卽皇帝位於庫鐵烏阿刺里亦不言和林二年春帝與  
 拖雷獵於斡兒寒河夏避暑於塔密爾河則始在和林  
 左右斡爾寒卽斡爾汗也嗣是六年春會諸王燕射於  
 斡爾寒河而七年春遂城和林作萬安宮和林建都實  
 始太宗非由太祖矣耶律鑄雙溪醉隱集取和林詩注  
 和林城苾伽可汗之故地也歲乙未聖朝太宗皇帝城  
 此起萬安宮城西北七十里有苾伽可汗宮城遺址城  
 東北七十里有唐明皇開元壬申御製御書關特勤碑  
 按唐史突厥傳關特勤丹吐祿可汗之子苾伽可汗之  
 弟也名闕可汗之子弟謂之特勤開元十九年闕特勤  
 卒詔金吾將軍張去逸都官郎中呂向齋璽書使北弔  
 祭並爲立碑上自爲文別立祠廟刻石爲像其像迄今  
 存焉其碑額及碑文特勤皆是殷勤之勤字唐新舊史  
 凡書特勤皆作簡勒之勒字誤也諸突厥部之遺俗猶  
 呼其可汗之子弟爲特勤特謹字也則與碑文符矣碑  
 云特勤苾伽可汗之令弟也可汗猶朕之子也唐新舊

史並作毗伽可汗勤苾二字當以碑文爲正又涿邪山  
詩注南鄰處月之郊和林城唐碑文也未曉處月之言  
有問及余者因爲之說云處月之言磧鹵地也史記漢  
復使因杆將軍公孫敖出西河與強弩都尉路博德會  
涿涂山注音邪前漢書因杆將軍出西河與強弩都尉  
會涿邪山後漢書祭彤傳出高關塞九百餘里得小山  
妄言以爲涿邪山竇憲傳鄧鴻與後諸軍會涿邪山皋  
林溫馬嶺王子涿邪山間漢兵來悉度莫去班固燕然  
山銘經磧鹵絕大漠踰涿邪山者其山在涿邪中  
也涿邪後聲轉爲朱邪又聲轉爲處月按唐史沙陀處  
月種也莊宗紀其先本號朱邪後自號沙陀而以朱邪  
爲姓者是也南部新書北人三十輩於大山中見一小  
兒遂收而遞養之長求姓眾云人共育得大遂以諸邪  
爲姓朱邪者譌也此說可笑朱邪卽涿邪也諸邪二字  
俱是華言遐荒殊俗隔絕中華焉知華言以爲族望處  
月部居金婆山之陽蒲類海之東皆沙漠磧鹵地也西  
漢書注薛瓚曰沙土曰膜其說得之卽今華夏猶呼沙  
漠爲沙陀突厥諸部遺俗至今亦呼其磧鹵爲朱邪又  
聲轉爲處月今又語訛聲轉而爲川關皆從鞬鞞及所  
書之人鄉音輕重緩急而致然爾外國語元無本字取

其聲音之近似不可取其訓故訓者釋所言之理音者通其指義所記之語既無本字豈有所言之理所通指義者初立元昌路後改轉運和林使司前後五朝都焉

世祖遷都大興於和林置都元帥府大德十一年立和

林等處行中書省統和林總管府皇慶元年改嶺北等

處行中書省改和林路爲和甯路明初順帝太子阿裕

錫哩達賴汗明史作愛猷識理達臘依王保保於此初王保保在和林明太祖

屢招之不報洪武五年命徐達李文忠馮勝三路討之

勝軍至亦集乃路元岐王朵兒只班遁去文忠進兵贖

胸河兼程急趨敗元將蠻子哈刺章於土刺河追至阿

魯渾河元兵益眾文忠力戰窮追至稱海元眾敗去明

年達文忠復遣將追敗之荅刺海口明年王保保死順

帝孫脫古思帖木兒駐捕魚兒海爲藍玉所敗遁至土

刺河爲其臣也速迭兒所弑其族兀納失里大王收散

亡居和林之西哈梅里復爲明都督劉眞等所破自脫

古思死後七傳至本雅失里淇國公邱福征之五將軍  
俱沒文帝親征至斡難河擊破之本雅失里以七騎絕  
河遁去遂爲瓦刺瑪哈木所弑時阿魯台強盛與瓦刺  
相攻元裔益微有脫脫不花者爲瓦刺脫歡所立居漠  
北脫歡子也先疑其與中國通攻殺之也先自稱可汗  
尋亦爲其下所殺諸部共立脫歡不花之子號小王子  
案蒙古源流特古斯特穆爾汗斡脫帖思洪武二十  
一年卒子恩克卓哩克圖汗嗣洪武二十五年卒弟額  
勒伯克尼古孛蘇克齊汗嗣建文元年爲衛拉特烏格  
齊哈什哈所弑子琨特穆爾汗嗣建文四年卒弟諤勒  
哲依特穆汗嗣永樂八年卒子德勒伯克汗嗣永樂十  
三年卒烏格齊之子額色庫纂立洪熙元年額色庫死  
宣德元年科爾沁阿岱台吉占據蒙古餘眾嗣爲汗正  
統三年爲脫歡太師所弑脫歡旋亦死脫歡子額森纂  
立卽所謂也先也其時嗣蒙古汗統者爲特古思特穆  
爾第三子哈爾古楚克都古楞特穆爾鴻台吉之孫阿  
寨台吉之子號岱總汗卽此所謂小王子也明人傳聞  
疑有誤岱總汗景泰三年爲郭爾羅斯徹卜兒吉思旋  
蒙古勒克鳴青吉斯汗嗣明人謂之馬古可兒吉思旋  
爲多倫土默特之多郭朗台吉所害岱總汗初娶徹卜



登女生子摩倫汗嗣明人謂之孛來旋又爲摩里海王所弑岱總汗弟滿都古勒汗天順七年嗣成化三年孛統緒又絕阿寨次子阿噶巴爾濟生哈爾固楚克額森婿也哈爾固楚克生巴延蒙克明人謂之麻兒可兒巴延蒙克生巴圖蒙克成化六年年七歲嗣號達延汗明人譯爲大元大可汗大元卽達延之諱也察哈爾世系作跋圖拖克代音汗此明史正嘉以後所稱小王子也後其裔達延車臣汗太祖

十五世孫也子圖魯博羅特巴爾蘇博羅特阿爾楚博羅特鄂齊爾博羅特等由瀚海南徙近邊爲內札薩克

敖漢奈曼巴林札魯特克什克騰烏珠穆沁浩齊特蘇

尼特鄂爾多斯九旗案明史韃靼傳嘉靖時小王子最富強控弦十餘萬多畜貨具

稍厭兵乃徙幕東方謂之士蠻所分諸部落在西北邊者甚眾而曰吉囊曰俺荅者於王子爲從父行據河套雄黠喜兵爲諸部長今以蒙古源流及蒙古王公總傳嚴之所謂土蠻者圖們之諱也又王子曾孫達賚遜始

駐牧宣塞外，後復徙帳於遼。此徙幕東方之始。子闡，  
嗣號札薩克圖汗。即明人所謂土蠻。故李成梁傳云：插  
汗部長土蠻也。其所分諸部落，即敖漢、柰曼等九部。明  
人不得其部落名，而統以土蠻概之。遂牽混不明矣。又  
此時所謂小王子，達延車臣汗也。吉囊、俺答皆達延汗  
之孫。巴爾斯博羅特之子也。達延汗最老壽，在位七十  
四年。年八十乃卒。時嘉靖二十二年也。長子圖魯博羅  
特先卒。孫博迪阿拉克汗嗣。嘉靖二十六年，博迪汗卒。  
子達賚遜庫登汗嗣。明人所謂打來孫也。此云於小王  
子爲從父行，當指打來孫言。渾舉後事說之耳。圖魯札  
薩克圖汗萬曆二十年卒。子布延徹辰汗嗣。萬曆三十  
一年卒。子莽和克早亡。孫陵丹巴圖爾庫圖克圖汗嗣。  
明人所謂虎嫩兔也。天獨其季格塔森札札賚爾璉台  
聰八年甲戌兵敗走死。獨其季格塔森札札賚爾璉台  
吉留故土號所部曰喀爾喀，析眾萬餘爲七旗，授于七  
人領之。分左右翼，有三汗。曰土謝圖汗。舊作圖舍圖，今  
作圖什業圖。

曰車臣汗。

車臣即徹辰，  
亦作赤城。

曰札薩克圖汗。崇德三年三汗

並遣使來朝定歲貢

三汗各貢白馬八白駝一謂之九白之貢歲以爲常

順治十

二年三汗及賽音諾顏部長丹津喇嘛各遣子弟來朝

冬復遣使乞盟

賜盟宗人府設八札薩克

朔漢方略

土謝圖汗車臣汗丹津喇嘛墨爾根諾顏畢希勒爾圖  
澤羅卜藏諾顏車臣濟農昆都倫陀音爲八札薩克

仍分左右翼其國西接額魯特每與構兵及康熙二十

七年噶爾丹興兵攻破之七旗舉族款塞內附

支清公松筠經

服紀略圖詩注康熙二十七年喀爾喀眾議就近投入  
俄羅斯因請決於哲布尊丹巴呼圖克圖呼圖克圖曰

俄羅斯素不奉佛俗尚不同我輩異言異服殊非久安  
之計莫若全部內徙授誠

大皇帝可邀萬年之

福眾欣然羅拜議遂決余札庫倫時有頭等台吉格齊  
多爾濟者乃額駙惇多布多爾濟之孫年近七十廣記

故實此事乃其所述云

平定準噶爾方略雍正元年  
正月丙申上親弔哲布尊丹巴胡土克圖遣使

護其喪歸國。先是理藩院奏曰：哲布尊丹巴胡土克圖黃教中第一流人也。數世行善，垂九十年。當噶爾丹叛時，率七族喀爾喀等來歸，最有功。其家世喀爾喀汗之子。土謝圖汗之弟，遭逢聖朝，疊膺殊遇。前年

聖祖仁皇帝而論之曰：歲癸卯，朕年七十，爾年

九十，是年爾必來無食言。胡土克圖承旨還，今

遵諭來京，謁見梓宮，志願已遂，泊然示

寂，請如達賴喇嘛班禪額爾德尼例，賜以名號印冊，既

而論曰：胡土克圖極蒙皇考軫念，禮遇加隆。

皇考升遐，係甲午日。今胡土克圖圓寂，亦係甲午

日，佛果聖因，證明不昧。胡土克圖非尋常僧人

比，朕親往懸帕供茶，以盡朕心。將此旨傳與喀爾喀汗

額駙及胡土克圖屬人等知之。至是理藩院以龕座還

國，請派大臣護行。上特命敦郡王允禩世子三

弘展齋賜印冊，奠儀散秩大臣尙崇禩等護龕座行。三

十年四月，聖祖仁皇帝親巡邊外，受其朝大會

於多倫諾爾。朔漠方略，理藩院議應於上都河額爾屯

河兩開七溪之地會閱。口北三廳志：七星

蒙古存文記七 喀爾喀總敘 六

澤一名多倫泊。土人呼爲多倫諾爾。多倫華言七諾爾。華言河泊也。其水清冽。中產魚蛤之類。在上都牧廠東。北。眾蒙古請於此建寺。賜名彙宗。令各部落居。

一。倘住持。一統志。上都牧廠在獨石口東北一百四十

五里博羅城。編審旗分。安輯其眾於喀倫邊內。惟留汗號其

諾顏濟農等。授王貝勒貝子。公台吉。有差令與內札薩

克同列。諭曰。爾等以兄弟之親。自相侵奪。啟釁

將爾人眾收取。爾部早已散。朕好生之心。出於天性。

不忍視爾滅。置附界內。給與贍養。自古以來。未有如

朕拯救愛養。如此者也。用是親臨教誨。普加賞賚。會同

之時。見爾等傾心感戴。特沛恩施。俾與四十九旗同列。

以示一體撫育。因分中外。爾等其知朕意。會典康熙三

十年。訓以法度。俾知禮儀。特命行會閱禮於上都。多

倫諾爾之地。前期命理藩院調集新附之喀爾

喀兩翼部落。并傳知科爾沁等四十九旗之王台吉。皆

豫屯於會閱之地。百里以外。聖駕發京師。上三

旗官兵隨行由張家口出下五旗官兵由獨石口出軍

臨多倫諾爾布營設哨三旗護軍爲一營居中屯劄八

旗前鋒二營五旗護軍十營火器四營共十六營環

御營屯劄八旗前鋒爲四汛入旗護軍爲二十四

汛各設廬帳繞營而屯傳論蒙古喀爾喀等前

屯於百里外者移附御營五十里屯劄不得入

哨內議定喀爾喀賞格九等坐次七行進見燕會禮儀

悉照四十九旗例屆期設帳殿於網城南門前中設

御榻旁設武備院行帳幕次各二前張黃幕設

反玷列尊彙設騎駕南薄於帳殿前聖祖出御營

入作樂設燕筵於各班次眾畢集聖祖出御營

乘馬臨帳殿升座理藩院大臣鴻臚寺官員引

導喀爾喀汗濟農諾顏台吉等排班奏樂鳴贊官傳贊

行三跪九叩禮畢樂止理藩院大臣官員引內外王貝

勒貝子公台吉等列於左喀爾喀汗等列於右各於本  
位一叩坐進御筵奏樂進茶眾喀爾喀皆叩首  
進茶畢乃進酒進酒大臣出班跪眾皆跪奏樂各於其  
位行一叩禮進酒畢坐執事者酌金卮立賜進  
酒大臣大臣跪受一叩飲畢復一叩與入班坐乃進燕  
次第演舞奏樂眾技畢陳有旨召喀爾喀汗濟

蒙古字文已七 喀爾喀總敘七

農諾顏大白吉等近

御榻前親賜以酒其餘台

吉等令侍衛於坐處各賜酒畢

徹筵王台吉及眾喀爾

喀行一跪三叩禮謝

恩仍按翼序立禮部大臣奏

禮成

駕還行宮次日

入旗滿洲及漢軍火器營

綠旗營官兵

排列火隊

聖祖躬擐甲胄大閱畢

宣

訓諭敕書於眾喀爾喀先是土謝圖汗以舊

怨殺札薩克圖汗沙喇及其台吉德克德赫從此起釁

聖祖洞鑒兩翼喀爾喀交

構兵馴至失其游牧

論哲布尊丹巴呼

惡之原委情事之曲直先傳

諭哲布尊丹巴呼

圖克圖及土謝圖汗等令其具疏請罪於是集眾會盟

於是集眾會盟

特頒

恩旨免土謝圖汗之罪繼札薩克圖汗之

後使兩翼喀爾喀相好如初去其濟農諾顏名號汗王

去其濟農諾顏名號汗王

以下依次授以封爵其台吉亦分四等視四十九旗又

恩賚冠服銀幣等物其四十九旗

按品級從優

恩賚冠服銀幣等物其四十九旗

亦按品級

賜冠服銀幣有差

頒賞誌均

於網城南門前聽鳴贊官傳贊謝

恩行三跪九

叩禮會闕禮成

三十五年

聖祖再駕親征至克

同

三十五年

聖祖再駕親征至克

魯倫河噶爾丹駭遁西路大兵復邀擊之盡殲其眾明

年噶爾丹竄死朔漠平喀爾喀諸部復還舊牧編三部

爲五十五旗

理藩院則例圖什業圖汗車臣汗二部落四十三旗台吉內由青吉斯汗子孫衍派

者爲族中台吉由青吉斯汗之弟布戈柏勒格特依等之子孫衍派者爲所屬台吉缺出除族中台吉照例辦理外其所屬台吉如經該札薩克查明譜系相聯俟年至十八歲後遇比丁之年報院一體題請授職該旗作爲另雍正三年以固倫額駙策凌擊準噶爾功

詔率近族十九札薩克別爲一部以其祖圖蒙有賽音

諾顏號冠之積前凡四部七十四旗

平定準噶爾方略雍正三年喀爾喀

副將軍多羅郡王和碩額駙策凌等奏言喀爾喀三部兵舊分隸八旗今蒙恩許隸上三旗乞下工部

令製鑲黃旗纛六十桿腰旗六百桿給丹津多爾濟軍正黃旗纛四十二桿腰旗四百桿給策凌軍正白旗纛

三十桿腰旗三百桿給博貝軍乾隆中增至八十三旗附輝特一旗額



魯特二旗統稱外札薩克

翼之鎬後出塞錄喀爾喀諸部落甚眾統以三汗曰赤城

汗曰札薩克汗曰兔舍汗其威儀服制凜然中土五六

品之員皆與抗禮或有罪愆僅需小校一人齋

而往斥革築縛歸於司寇不敢少忤近日以超勇親王

策凌有平虜功於三汗之外分列一國共為四大部落

高其倬喀爾喀部書所見詩曰額手

拜嘉款賓解煮尚方茶海西盡奉諸侯職漠北兼無可

汗牙艸瘠艸肥占歲事雁回雁去記年

華牛羊繪絮和醞酢中外於今正一家

外蒙古喀爾喀汗阿林盟游牧所在

土謝圖汗部

喀爾喀後路土謝圖汗部

康熙三十一年改喀爾喀左右翼為三路土謝圖汗稱北路繼

又稱中路此雍

正三年所定也直大同邊外漠北至

京師二千八百

餘里東界竹特山接中臣汗部南界瀚海西界翁金河

接賽音諾顏部北界楚庫河接俄羅斯界東南踰瀚海

接蘇尼特右翼四子部落喀爾喀右翼諸部西北接烏里雅蘇台所屬唐努烏梁海所部初編佐領積三十七

旗以分設賽音諾顏部析二十一旗隸之并附收之額魯特二旗數

之後增四旗凡二十旗幹齊賚巴圖土謝圖汗游牧初

喀爾喀無汗號案漢北蒙古惟順帝至陵丹一枝世稱汗格塔森札烏達延汗季子始號所部

爲喀爾喀故無汗號然蒙古本有小汗號如阿勒坦汗是也蒙古源流載其事云達賚遜庫登汗於八白室前

稱汗號與右翼三萬人相會而旋阿拉克第二子阿勒坦來迎向汗求賜號云今統治已平原有護衛汗治索

多汗小汗之號祈將此號賜我我情願護衛大統汗然之遂與以索多汗之號格塔森札第三

子諾諾和掌左翼號偉徵諾顏子五長阿巴岱赴唐古

特謁達賴喇嘛迎經典歸爲眾所服始稱汗號幹齊賚

巴圖

按巴圖舊作賽音今從理藩院則例改朔漠方略康熙二十六年土謝圖汗奏請敕印表曰國中向

無佛致自我曾祖往謁達賴喇嘛得蒙優禮加以瓦察喇賽音汗之號於是我地佛法炳如日星案瓦察喇賽音即幹齊爾賽因博明西齋偶得曰瓦刺即令之厄魯特其始祖爲託歡太師而未詳其意按朔漠方略傳碩圖汗之稱號則首冠以瓦赤刺喀爾喀汗其初亦有此三字今達賴喇嘛封號亦有之蓋唐古特文之美稱也

子額列克嗣號墨爾根汗額列克子三長袞布始號土

謝圖汗與其族車臣汗碩壘札薩克圖汗素巴第同時

稱三汗康熙二十七年袞布子察琿多爾濟與噶爾丹

戰敗率屬來歸

命入居蘇尼特界內鄂琳圖三

十年

詔仍留土謝圖汗號三十六年還舊牧三

十八年卒

御賜祭文曰朕君臨萬邦罔有內外遠邇視若一家嘗拯其危而救其菑俾長守

藩維不失舊物，生不顯號，歿錫寵章。爾越在外，服通黃  
有年，鳴爾丹不道，日尋干戈，乃去國來，歸傾心內附，朕  
不忍爾部眾之玷於死，心優加撫，納處之水，艸之地，贈  
以食廩，牛羊降結，婚姻示垂，永好爾歷年朝，請恭謹有  
加，狡寇既平，謂爾得保有富貴，逸樂以圖，長久，濫焉沮  
逝，深用憫傷，嗚呼！矢相方殷，忽促桑榆之景，飾終無替，  
永增泉壤之光，牲醴往頌，靈其歆格。孫惇多布多爾濟襲，乾隆四十六年。

詔世襲罔替

佐領一 乾隆四十六年  
詔喀爾喀世爵，視內札薩克四十

九旗例，理藩院遵

旨，議首以上謝圖汗請

諭曰：上謝圖汗始祖察

軍多爾濟來歸時，仍留汗號

嗣是子孫承襲，將及百

牧地在杭愛山東，山在西十四

年著加恩，世襲罔替。牧地在杭愛山東，山在西十四

四十六度鄂爾昆河源之北，直陝西甯夏北二千

翁金河西北五百餘里，其山最高，大山脈自西北阿

爾泰山來，東趨踰鄂爾坤土喇諸水，為大興安，自特諸

山又自山西庫庫嶺北折，環繞色楞格河上流，諸水發  
源之處，抵俄羅斯界，千餘里，鄂爾坤塔米爾諸河皆發  
源於此。杭愛譯言橐駝也，山形似之。一統志按當卽古

之燕然。方觀承松漠艸詩注。頽靄爲喀爾喀境內名

山。松多泉美。其最高峯曰鄂託。渾騰格。里譯言少天也。

山陽。溫泉數處。泉有魚。產黃石如琥珀。蒙古名胡巴。製

爲器物。瑩透可愛。頽靄綿延千里。或斷或續。蒙古人以

其所產木石辨之。或連數山。或相開數百里。皆確知某

山爲正脈也。又曰頽靄阿爾泰山陰。盛產松榆。山陽濯

濯無寸木。又曰畢赤克圖。有字之謂也。山在頽靄之南

石壁如削。鑄度人經。用古梵書。填以黃金。傍有畢赤圖

壩。四借字。道整徑尺。蓋元時遺蹟也。沈君堉曰。水道

提綱。據康熙輿圖。以色楞格河北源所出之山爲杭愛

山頂。以塔米爾河南源鄂爾坤河北源所出之山爲杭愛

山尾。而齊老圖諸水所出之山。皆爲杭愛頂南行支

阜。近圖移杭愛山於鄂勒坤河之東。土謝圖汗旗之西

則在故和林之東。與舊圖異。細釋元史。杭愛當卽杭海

音之轉。元史惟太祖紀作杭海山。土土哈傳作杭海嶺

除皆作杭海。今且以武宗無軍北邊事攷之。武宗紀大

德四年八月。與海都戰於闊別列之地。敗之。十二月。軍

至拔台山。五年。海都入犯。與戰於迭怯里古。又大戰於

合刺合塔。據姚燧撰乞台普濟先德碑。言寇出金山南

闊別列。知闊別列在金山之南。據康熙脫脫傳。大德五

年。叛王海都犯邊。脫脫從武宗討之。師次航海。進擊海  
都。大破其眾。知武宗於大德五年破海都於航海。又據  
乞台普濟碑。大德五年八月。寇大至。乞台普濟教吾軍  
表紅衣於甲。以自別。俾聞不迷。自是寇望紅衣軍。則退  
不戰。碑又云。大德五年。寇舉國至。又戰於哈刺台。乞台  
普濟子也。兒吉尼。以數十騎出入其陳。數四。所當披靡。  
莫之與敵。寇大駭。郤。皇上乘之。遂大潰。斬馘不可級計。  
哈刺台。即合刺合塔。曰。大至。曰。舉國至。皆舉眾深入之。  
謂深入而。厥無一語。及和林。則戰地實在和林之西。又  
據牀兀兒傳。大德五年。海都兵越金山而南。牀兀兒急  
引兵敗之。知海都兵又擾金山之南。又據乞台傳。乞台  
子哈贊赤。大德五年。從戰航海。從武宗親征哈刺阿荅。  
復從創兀兒征不別。八憐。八憐之地。據牀兀兒傳。在金  
山之南。哈刺阿荅。即合刺合塔。創兀兒。即牀兀兒。據是  
傳。次第知海都兵犯航海。戰敗。而西走。合刺合塔。又戰  
敗。而西踰金山。至不別。八憐也。然則航海在合刺合塔  
之東。和林之西矣。又案武宗駐冬之按台山。當即乃蠻  
之按台。太祖之征乃蠻也。乃蠻部長太陽罕。至自案台  
營於沆海山。帝與大戰。擒殺太陽罕。帝即位。復征乃蠻。  
時卜魯欲罕獵于兀魯塔山。擒之。以歸。太陽罕子屈出

律奔也兒的石河上元魯塔牀兀兒傳作兀兒秀今日  
阿爾泰皆音之轉卽金山也卜魯欲罕獵於兀魯塔山  
則金山實乃蠻部落所在案台必在金山側近而也兒  
的石河又在金山西南矣牂犂池馱馱馱馱馱馱馱馱馱  
云太陽罕自案台至沆海山實自西而東武宗於四年  
八月戰於金山之南十二月軍至案台山則已踰金山  
而東想五年必由案臺東歸故海都大舉入犯而遂戰  
杭海也今齊老圖塔米爾鄂勒昆諸源之山由北而南  
環繞和林之西實和林西面門戶爲海都東寇必爭之  
地海都大德五年之寇和林尙未被兵則謂此諸山爲  
杭海實於形勢相合杭愛卽杭海音之轉水道提綱之  
言實是不誤若移於鄂勒昆河之東則海都兵未至和  
林不應寇從西來而康里脫脫哈贊赤諸人反東出若  
海都兵已越和林而東則和林要地不應諸傳概未之  
見而牀兀兒轉在金山之南準之情事義證顯然矣穆  
案元秘史載太祖征乃蠻事曰鼠兒年四月成吉思祭  
了旗盡去征乃蠻逆著客得漣河行了頭哨至撒阿里  
克額兒地面過著乃蠻在康合見合山頭哨望的太祖  
多設疑兵令人各燒火五處哨望的果自山頭看見去  
對塔陽說遠達軍馬已塞滿了撒阿里客額兒地面了

塔陽正在康孩地面前綠山立住案本紀稱太陽罕自  
韓兒豁水至納忽山前綠山立住案本紀稱太陽罕自  
按台營於沱海沱海即秘史所云康孩合池兒水即今  
塔米爾河東北所匯之台魯勒倭黑池塔陽初營康孩  
地面爲其子古出魯克所激遂順塔米爾河東來足證  
杭愛山實在塔米爾之西子惇之言是也塔陽渡韓爾  
豁河至納忽山崖東邊蓋已踰今圖之杭愛至錫兒克  
袁諸山之側而韓兒豁水即鄂爾坤河乃蠻哨望達達  
軍東之康合兒台山疑卽今圖所謂杭愛也太祖逆客  
魯漣河西來至撒阿里克額兒地面殆已踰土拉喀魯  
哈二河喀里雅爾山南山在西十度北極處額爾德尼招  
而陳乎廟在西十三度北極出地四十九度處額爾德尼招  
東北爾罕山之西麓蒙古謂佛寺曰招蓋大喇嘛寺之  
在鄂爾坤河側者康熙二十六年哲布尊丹巴胡圖克  
圖告急表曰聞丹津溫卜丹濟拉杜噶爾阿喇布坦等  
率兵來取額爾德尼招之地其地距我所駐祇二日程  
是也哲布尊丹巴者本土謝圖汗察罕多爾濟之弟西  
第什里也初駐牧於此雍正開乃移駐恰克圖而其  
胡畢勒罕世掌漠北黃教云雍正十年額駙策凌赴本



博圖山準噶爾賊小策凌悖多卜潛師寇杭愛山掠哲  
布尊丹巴牧值其徙帳多倫諾爾空無所得乃襲策凌  
牧於塔米爾河盡據有其子女玉帛置酒高會策凌中  
塗間報斷髮及所乘馬尾誓必滅賊反旆急馳繞周道  
出山背黎明自天而下壓擊之轉戰二日大敗之於額  
爾德尼招札薩克一等台吉朋素克喇布坦傳大策凌  
悖多卜掠喀爾喀牧至額爾德尼招朋素克喇布坦方  
督所部廟工間之亟引兵會大軍往剿俘斬甚眾方觀  
承松漠艸從軍襍紀詩注曰厄爾得尼招在喀爾喀王  
策令部內厄爾得尼寶也招乃招提省文地產金銀故  
稱寶寺寺前有元至正年梵書碑文猶可辨雍正壬子  
六月準噶爾寇邊至吉爾馬泰距厄爾得尼招已近虜  
據南山我兵列長陣與山對分兵繞至虜後發發半山  
虜陣大亂山盡處卽鄂爾昆河時方屯種堰水益深多  
墜河死索倫精兵萬箭齊跨鄂爾坤喀魯哈二河鄂爾  
發殺人數千餘皆夜遁

章鄂勒昆自附牧賽音諾顏部之額魯特旗界東北經  
出流百七十里折而西北流二百餘里有濟爾瑪台河  
自南來會方觀承從軍襍紀詩注綠旗兵屯種於吉爾

馬泰傍近鄂爾昆河元太祖曾墾種於此田鼠曰吉爾  
馬有曰秦月令田鼠化爲鴛鴦之屬也又西北五十里  
有鄂歸池水自東南來會又西北塔米爾河自西南合  
數水東北流來會又西北折東流有衣蘭喀勒奇拉河  
自西來注之又東北循庫庫齊老圖山西麓百里經西  
里布魯克都地之蘇都池東折而東北循西北麓有濟  
崇古魯克河自西北賽堪山東南來注之又東經納鄰  
庫勒墨地南又東北至山麓有額魯墨河北自額魯墨  
得衣山池水南流來注之又東經都蘭哈喇地出山有  
哈爾渾太克河自東南來會又東流稍北曲曲四百里  
有哈噶思賽因杜魯河西北自布昆沙勒山東南流合  
一水來會又東土喇河自南合喀魯哈河北流來會圖  
麗琛異域錄鄂爾渾河環流哲布尊丹巴胡圖克圖所  
居之布隆汗山及土謝圖汗游牧地方向西北流入色  
楞格河是也康熙五十四年廷議屯田鄂爾渾圖拉裕  
軍食鄂爾坤岡拉之蘇呼圖喀刺烏蘇明愛察罕格爾庫爾  
奇呼札布堪河察罕度爾布拉罕口烏蘭固木及額爾  
德尼招十餘處俱可耕命公傅爾丹選善耕人  
往屯種雍正二年四月振武將軍穆克登奏鄂爾坤一

帶尚有昔人耕種處及故渠灌田蹤跡圖拉等處現有  
大麥小麥非不可墾之地但霜降早晚不一樹穀宜否  
不齊請於屯長中擇十餘人於明年三月遣往耕俟秋  
收後具奏五年十月軍營効力行走原任大同總兵官  
馬觀伯奏言鄂爾坤圖拉爲極邊初墾地近產瑞麥一  
莖十五穗上瑞殊祥希代罕觀報聞六年十二月  
月振武將軍宗室巴賽疏報鄂爾坤圖拉等  
處屯田收穫青稞麥糜凡二千八百四十石有奇七年  
十二月振武將軍順承郡王錫保奏鄂爾坤圖拉等  
圖拉三處屯田收穫大麥小麥糜子共七千五百五十  
石有奇八年十一月順承郡王奏報鄂爾坤圖拉等  
石有奇九年奏鄂爾坤等處屯田收穫麥糜一萬六百  
三十石有奇此兩朝屯田收穫之大略也雍正  
十三年定邊大將軍平郡王福彭奏臣等於六月二十  
二日率官兵自烏里雅蘇台啟行七月十二日至鄂爾  
昆謹擇二十日於鄂爾坤河額爾德尼招迤北興工建  
城共發滿洲蒙古綠旗兵五千七百六十八名城周一  
千八十八丈基厚一丈三尺上廣一丈四尺築土  
九尺垛高三尺寬四尺垛間相去各二尺五寸四面共

開三門，建樓三，其西南無樓處，蓋屋三間，角樓四，三面設甕城，城外四面濬壕，城中亦如之，引鄂爾昆河水以爲池，南門之內兩旁設銀庫、米倉收貯軍器等房，及兵丁鋪房共二百五十八間，北門之內向南十二丈，設土臺一，高一丈六尺，寬十丈，長五丈，乾隆元年正月總管五十四等奏言，自張家口至鄂爾昆大站二十九腰站十六，每大站留四十戶，披甲者二十名，設章京驍騎校領催各一員，每腰站留二十戶，披甲者十名，設驍騎校領催各一員，仍以參領四員分管，此又鄂爾昆建城設站之大略也。喀魯哈河源出翁金河北，土刺鄂爾坤二河，開平地，西北流百里許，轉東北流三百餘里，入土刺河，鄂爾坤既會土刺河，又東北經吉拉哈吉圖布拉克地，南有西拉索博太河北，自布龍山南支阜合三水，南流來注之，又東北經喀里雅拉山西南麓，中有大洲，又北流有伊奔河，自西北布龍山東南阜合三水，東南流來注，又東北循山有哈拉河，自東南合數水，北流來會，又東北有衣魯河，自東南合三水來注之，又正北流至布龍山東北支阜，而色楞格河自西來會，明洪武三年李文忠敗蠻子哈刺章於土刺河，東至薩拉噶山梁，接追及阿魯渾河，卽鄂爾坤河也。

左旗及中  
右旗界  
南至察罕烏蘇  
後軍臺及  
西至博羅哈布齊

勒河  
接賽音諾顏部  
北至得爾素圖  
多奎  
前旗界  
東北

至察罕齊老圖  
接左翼前鋒旗界  
長春西游記又四

木艸且豐美  
東西有故城  
基址若新  
街衢巷陌可辨  
制

作類中州  
歲月無碑刻  
可破或云契丹所建  
既而地中

得古瓦  
上有契丹字  
蓋遼臣土馬不降者  
西行所建城

邑也  
沈君堉釋曰  
按張參議紀行  
過河而西行一驛有

契丹所築故城  
城方三里  
背山面水  
自是水北流矣  
又

經一驛  
過大澤泊  
泊之正西  
有小故城  
亦契丹所築也

按過免兒河而西  
又行一驛  
然後至契丹故城  
則城當

在喀魯哈河之西  
土謝圖汗本旗之東北  
所渡河當是

鄂爾昆河  
云山川秀麗  
故地中得古瓦  
有契丹字  
則

已在和林側  
近而不言和林者  
是時實未建都  
故無和

林之目也  
又曰契丹故城  
疑是遼鎮州  
諸城按遼史蕭

捷凜傳  
捷凜以阻卜諸部  
叛服不常  
上表乞建三城  
以

絕邊患  
從之  
聖宗紀統和十二年  
秋八月詔皇太妃領

西北路烏古等部兵  
及永興宮分軍  
撫定西邊  
以蕭捷

稟督其軍事二十二年以可惇城爲鎮州軍日建安開  
泰二年春正月達旦國兵圍鎮州州軍堅守三月耶律  
化哥以西北路略平留兵戍鎮州赴行在地志鎮州  
本古可惇城東南至上京三千餘里皇太妃奏置統防  
維二州又河東城本回鶻可惇城語爲河東城東南  
至上京一千七百里靜邊城東南至上京一千五百里  
皮被河城地控北遼南至上京一千五百里皮被河出  
回紇北經羽厥入贖陶河沿河董城北東流合沱漣河  
按地理志敘鎮州以下諸城自西而東鎮州東南至上  
京三千餘里以道里校之實與記所指西故城相合蓋  
疑糜傳不言三城之名可惇高卽其一後改爲鎮州耳  
契丹西故城其卽鎮州所在乎耶律撻不也傳鎮州西  
南有沙磧或地尙在記所指西故城之西疑未定  
矣天祚紀大石不自安遂殺蕭乙薛坡里括自立爲玉  
率鐵騎二百宵遁北行三日過黑水見白達達詳穩牀  
古兒牀古兒獻馬四百駝二十西至可惇城是大石西  
行駐軍於可惇城故紀以契丹城爲遼亾士馬不降者  
西行所建城邑矣亦可蓋是城之當卽鎮州也記言東  
城西有故城東故城卽紀行過河而西行一驛之契丹故  
城西故城卽紀行過兒正西之小故城蓋東西之言所

兼頗廣山川秀麗之云實兼西北至翁奎諾爾鄂博

接

指今鄂爾坤河東西兩岸矣

音諾顏部額東南至錫勒袞烏蘭陀羅海

接左翼左末旗及軍臺界

魯特前旗界西南至諾昆陀羅海

接右翼右旗界有西庫倫在界內又汗旗所屬有古羅格沁打牲人

居喀倫附近

右翼左旗札薩克和碩親王游牧察輝多爾濟

從子車木楚克納木札勒康熙三十年授札薩克一等

台吉三十五年晉輔國公雍正元年敘檢額魯特逃賊

功封多羅貝勒

烏梁海人羅卜藏錫喇布初隸額魯特和託輝特貝勒博貝捨降之置阿汗林

後徙置察哈爾授佐領至是攜眾逃爲所擒

九年以力疾戰歿

大軍剿準噶爾車木楚克

納木札勒奉檄赴科布多軍中道病足恐失期以兵授子成袞札布自引餘騎扶病歸值額魯特種人奇爾吉

斯叛梗道力疾擊之中銃陳歿乾隆三年追封郡王二十一年孫齊巴

克雅喇木丕勒復以功晉和碩親王

二十年大軍定伊犁齊巴克雅喇木

不勒由烏爾呼濟爾運軍糧謀阿睦爾撒納叛賊黨克

什木等擾伊犁馳援班第力戰被執不屈二十一年

克什木等就擒齊巴克

四十六年

詔世襲罔替

雅喇木丕勒自伊犁還

佐領七

牧地跨色楞格河

色楞格河自賽音諾顏部東北流入界有厄赫河自西北

大山東南流合翁佳河諸水來會水勢始盛稍東有市

呼圖河自南合三水來注之又東北受北來一水又東

北來注之又東受西南一小水又東經布龍山北麓山

脈西南自巴顏濟魯克山賽堪山絲互而東北為厄魯

畢得衣山又東為西拉克山為布昆沙拉山又東北為

此山蜿蜒至兩河合處為色楞格鄂爾坤界色楞格河

自山北麓又東北數百里而鄂爾坤河自南合土喇河諸

河之水東北流土喇河於是合於鄂爾坤河土喇河東

來會木勢愈盛

左旗西左翼左後旗東南而喀魯哈河自西南來會又

東北折而正北流三百里而鄂爾坤河自西來會當西



十一度北極出東至布爾噶勒台河接右翼右末次旗界南至達

什爾嶺北溫都爾鄂博接左翼左後旗界西至茂蓋河山梁接

音諾顏部北至罕台山接邊喀界東北至綽勒呼爾察罕庫

圖勒接右翼右末次旗界西北至達爾沁圖哈爾噶那山梁接邊喀界

東南至庫克車格勒沙博羅圖接右翼右末次旗界西南

至烏噶爾札接賽音諾顏部中末旗界中右旗札薩克多羅郡王游

牧察輝多爾濟弟西第什哩初號巴圖爾台吉康熙二

十五年赴庫倫伯勒齊爾盟土謝圖札薩克圖二汗交聖祖遣尙書阿

喇尼齊敕與達賴喇嘛使噶爾旦授札薩克二

西勒圖赴庫倫和解之設盟於伯勒齊爾命游收蘇尼特界內阿魯額塔蘇

十七年來歸

台三十年封多羅貝勒仍兼札薩克四十五年卒次子

丹津多爾濟襲雍正元年晉郡王

兩路出師以來貝勒

丹津多爾濟數應戎行奮勉效力

皇帝深愛其材著加恩晉封多羅郡王以示獎勵十一

年以罪降郡王

初額駙策凌遇賊克爾森齊老丹津多爾濟奉檄往援行未十里駐兵不前及

額爾德尼昭之役賊由杭愛山陰敗遁丹津多爾濟不追遷延杭愛山陽已復冒功妄奏以大敗賊告

賜智勇號及黃帶又

特封長子貝子多爾濟色布騰爲世子至是追論順承郡王防禦不力罪事連丹

津多爾濟乾隆元年復封親王三年卒孫桑齋多爾濟

並行撤黜乾隆元年復封親王三年卒孫桑齋多爾濟

丹津多爾濟長子多爾濟色布騰

尚和碩和惠公主先卒乾隆三年

隨和惠公主來

京教養內廷嗣尚郡主授多羅額駙和碩和惠公主冊文曰

駙和碩和惠親而衍慶聿稽茂典用渙恩綸咨爾和惠服寵膺篤懿親而衍慶聿稽茂典用渙恩綸咨爾和惠公主乃和碩怡親王之女也銀潢毓秀玉葉分輝因其

聰慧特垂撫育佩宮幃之箴訓度協柔嘉習圖史之規  
型性成婉順宜登顯秩以表令儀是用封爾爲和惠和  
碩公主錫之金册譽傳雍肅荷車服之殊榮德懋敬勤  
修藩垣之內職受茲錫命永迓鴻釐欽哉又

賜曠志公主生於康熙五十三年十月初十日襲郡王  
寅時薨於雍正九年十月初三日戌時年十八

二十年晉親王正月桑齊多爾濟隨定北將軍班第進剿達瓦齊七月達瓦齊就擒桑齊多爾

濟攜索倫札哈沁兵千還塗間阿睦爾撒納叛親王額  
林沁多爾濟與同隊不能制馳赴額爾齊斯追收阿逆

定邊左副將軍印擒賊黨阿喀察定進等檄沿途汛兵  
護軍需并防新降額魯特衆得旨褒嘉加恩晉

襲其祖親三十年以私與俄羅斯互市削爵尋復封郡  
王原爵

五桑齊多爾濟妻吳氏生子雲丹多爾濟嘉慶中封吳氏多羅福晉册文曰錄勳舊於滿封克昌厥後美柔

嘉於肅範無忝所生崇褒于逾格之榮錫類重推恩之  
典杏爾喀爾喀郡王雲丹多爾濟之母吳氏醇和秉性

淑慎持躬勤內治於王闕闔外紀宣勞之久昭茲  
子舍邊陲昂供職之勤既順正之克嫻宜寵渥之

子舍邊陲昂供職之勤既順正之克嫻宜寵渥之

是用封爾爲多羅福晉錫之冊命於戲肅雍表德體允  
重於屏翰溫惠揚休誥用光夫輪紵祇承殊旨益著徽  
音編修蔣四十六年 詔世襲罔替三佐領 牧地當  
祥輝詞也

土喇河曲處 土喇河循都蘭喀拉折而西北流曲四

西游見西南驛路又行十日夏至量日影三尺六七寸

漸見大山峭拔從北以西漸有山阜人煙頗眾亦皆以

黑車白帳爲家其俗牧且獵衣以韋毳食以肉酪男子

結髮垂兩耳婦人冠以樺皮高二尺許往往以皂褐籠

之富者以紅絹其末如鴛鴨名曰故故俗無文籍或約

之以言或刻木爲契有上古之遺風焉陽湖董君祐誠

釋曰古人揆日皆以入尺表是地夏至日影三尺六七

寸日晷約高六十六度北極出地約四十六七度蓋當

土拉河之南喀魯哈河之東近今喀爾喀土謝圖汗中  
右旗地沈君堯曰大山峭拔者卽土喇河南岸喀魯哈  
河東岸也東至拜圖 接中右 南至巴彥哈拉 接軍臺及左  
之山也

西至烏蘇圖 接土謝圖汗旗及 北至哈拉尼停 接右翼  
左翼左中末旗界

界東北至達什隆山。接右翼左後旗及中右末旗界西北至沁陀羅海。

接中左旗及左翼前旗界東南至布蘊奎。接中右末旗及軍臺界西南至珠爾

奇台。接左翼左中末旗及軍臺界左翼中旗札薩克多羅郡王游牧

諾諾和次子阿布和孫昂噶海曾孫索諾木世駐牧庫

庫博羅圖號墨爾根諾顏掌喀爾喀左翼一旗爲八札

薩克之一。康熙二十七年索諾木子固魯什喜率族屬

來歸。賜牧四子部落界外洪果爾二十八年由

諾顏授爲濟農居三汗之次三十年封多羅郡王仍兼

札薩克乾隆四十六年。詔世襲罔替。佐領十四牧地

當阿爾泰軍臺所經。漠北日記六月初一日入喀爾喀界石阜怪狀如齒牙劍戟地盡沙

石相襍艸木不生行五十里次哈呢哈達山童艸  
馬無處掘地數尺不得水復求之山阿得泉眼人  
飲立涸初二日平阜起伏始見草色青青行九十里次  
克勒孫掘地二尺餘得甜水僅足人馬汲飲是日路有  
流沙二十餘里陷沙一處馬誤行其中陷不得出喀爾  
喀人身長者多衣布袍領袖鑲皮腰間細摺初四日行  
七十里次科尼赤掘地不得水祇喀爾喀人自飲泉眼  
二處軍士得潤渴腸初五日行阿爾哈爾蘇巴掘地得  
水有土氣牧馬亦無艸初六日行五十五里次噶爾拜  
果必蘇蘇遂爾回卜納有小河一道紫泥臭濁獨茂  
艸盈尺馬爭食之初七日行七十一里次屋蘭忒門東  
邊山阜下有舊井水可就飲其處掘水亦足飲馬獨枯  
地無草耳此上數日俱有小木如松而葉圓長可采爲  
薪是日有軟沙五十里初八日行三十里入山溝有溪  
水嫩草復行七里駐克勒阿祭拉漢初九日行百里次  
查哈馬克圖掘地無水寸草不生初十日還軍克勒阿  
祭拉漢十一日十二日仍駐軍喀爾喀濱卒布滿山谷  
行五晝夜不絕道旁見台吉三人其形較眾少潔衣絮  
服皆戴銀麟牌佩劍飾珠寶頗精工一耳貫大金圈寶  
石銜其口云是喇嘛保命者方有此是日鷓鴣牧人李

之旺於石峯頭得古錢篆文曰五行大布云云案文端  
行程蓋由今土謝圖汗部左翼中旗界北行五百五十  
餘里而返殆已入車臣汗部境達喀魯倫河之南岸矣  
故初九日酉刻行文附近車臣台吉詢喀爾喀情形並  
阿尙書音信而初十日酉刻遂得車臣台吉回報也日  
記又曰十三日復北行五十里次腺達舊營掘地得水  
黃濁而味甘是人馬飲十四日行七十里次克布祿亦  
無艸掘地得水黑不可飲岡上得舊井五水濁而腥十  
五日行五十八里次古爾半圖驛沽稱詳即沽路無水  
無艸得舊井三處尚不足軍士汲飲十六日行二十里  
次烏奴蘇台濁泉微細掘坎得水如礬色而味鹹亦無  
艸十七日行三十三里石山磊落參差連壤奇峯聳拔  
競勢爭高振衣登顛遙望白雲孤飛徘徊久之復策馬  
行三十里次擊拉克帶叟卽必拉抵中國之八十里駐  
軍十日二十八日復還駐烏奴蘇台自此皆向東南行  
云云案文端初出喀倫北行五十餘里還軍克勒阿祭  
拉漢已復北行百二十里次克布祿已踰前次所駐之  
查哈馬克圖二十里克布祿疑卽喀魯倫之譯變未渡  
河而北故不言河也復行百三十餘里而見石山聳拔  
蓋又越東庫倫而西石山殆巴彥集魯克阿布達蘭台

諸山矣自此復北行百一十里遂還軍而南綜其行程  
蓋東未踰喀魯倫西未抵土喇故時時以乏水艸爲言  
日記又曰二十九日行七十入里駐克布祿抵中國之  
百里七月初一日駐衣勒呼卽腺達舊營也初二日過  
克勒阿祭拉漢至哈喇布喇駐軍卽山溝口也乾澗傍  
掘三尺得水頗甘初三日次屋蘭武門登山眺望山多  
粗石積聚間有美石如瑪瑙水晶其光瑩然初四日至  
噶爾拜果必喇喇皆二營也遂爾回不納初八日行二  
十里據有岬處駐軍掘地丈五尺不得水初九日次阿  
爾喀爾蘇巴前所掘井半已坍塌距此八里青蒿中見  
白色頽然者岬已枯矣初十日駐蔥嶺以徧嶺皆蔥故  
名非焯煌西之蔥嶺也計程三十四里乾澗側有二舊  
井從旁掘地七八尺得水甘冽可煮茗字之曰塞外第  
一泉十二日次科尼赤十三日棟雨集水處駐節十四  
日次克勒孫十五日行軟沙七十里見有舊井二所因  
駐節水鹹炊飯變黃色十六日過哈喇達五里入山  
溝夾澗而營澗側有古井四所淡而不濁掘其傍亦得  
水兩山石壘亂疊多產金雀木皮色如金可飾弓箭器  
具葉如天冬有莖正夏開黃花塞外嘉值也折不孫丹  
巴喇麻由禿喇必納道此十七日入噶祿案噶祿卽喀倫



日記又作喀龍今作卡倫折不孫丹巴喇麻卽哲布尊  
丹巴胡圖克圖禿喇必納卽土喇河據此亦足證文端  
未抵土喇東至固爾班哲格爾得接達里岡愛南至巴  
而返矣

彥布拉克

接四子部落旗界

圖麗珠異域錄出張家

爾穆虎哈地方自此處將內地所乘驛馬并護送綠旗  
兵丁俱發回又行十餘日至喀爾喀阿拉布坦王所屬  
巴顏布拉克地方喀爾喀官兵豫備駝馬并供給羊隻  
迎接此處係興安之上有一帶石山產金桃皮樹又行  
二日至西拉布度地方有十餘里沙岡十七日至淪  
海適中朱爾輝地方此處產各色小石有查克樹叢生  
有流泉二三處聚成小澤水清而甘有水禽翔集其中  
觀此念爲瀚海也案阿拉布坦王者固魯什喜之長子  
多爾濟阿拉布坦也於康熙四十四年西至西尼察罕  
襲得圖麗琛以五十一年經其游牧也

鄂博

按左翼後旗界

北至巴噶哈台

接左翼後旗及

東北至札

爾噶山

接車臣汗部

西北至哈坦烏蘇

接左翼後旗及

右翼中旗界

西北至哈坦烏蘇

接左翼後旗及

左翼中左旗界

東南至額固得

接蘇尼特左旗界

西南至和博塔勒

接烏喇特後旗界

中旗札薩克固山貝子游牧察琿多爾濟長子噶勒丹

多爾濟康熙二十五年隨父赴庫倫伯勒齊爾盟授札

薩克二十七年來歸三十年封多羅郡王子惇多布多

爾濟尙和碩恪靖公主

册文曰典崇釐降帝女戒以欽哉詩美肅雍王姬詠其禮矣既

闕內治宜被殊榮咨爾和碩公主乃朕之女敬慎居心柔嘉維則母儀克奉教風稟於在宮婦德無違譽尤彰於築館出銀潢之貴派作配高閨備玉牒之懿親共襄宗國鳳占允協象服攸宜是用封爾爲恪靖公主錫之金册謙以持盈益篤興門之祐實而能儉三十九年晉永垂宜室之聲勿替令儀尙綏厚祿欽哉

詔襲土謝圖汗四十

和碩親王察琿多爾濟卒

一年以溺職降襲郡王原爵

四十六年喇河屯巡視蒙古諸部

上由略

多爾濟

駐蹕德爾濟庫木都和洛

悼多布

雍正元年復封

親王

是年晉封和碩恪靖公主爲固倫公主册文曰

載稽令典用賁殊榮杏爾恪靖公主乃

聖祖仁

皇帝第六女也毓秀紫微分輝銀漢承

深宮之

至訓

無怠遵循緬女史之芳規宜懷黽勉朕纘承大寶

仰體

鴻慈聿宏錫類之仁特沛絲綸之命是用

封爾爲恪靖固倫公主錫之金册謙以持盈爾勵敬恭

之節貴而能儉尙昭柔順之風克樹令儀永膺多福欽

哉檢詞陸

次子額璘沁多爾濟襲乾隆二十年以罪誅

削爵

達瓦齊就俘時阿睦爾撒納叛迹已著班第遣額

阿逆以定邊左副將軍印授額璘沁多爾濟詭稱歸牧

治喪遂由額爾齊斯遁

盡

二十二年恩復世爵改爲札薩克固山貝子

以悼多布多爾濟長子根札布多爾濟襲四十六年

詔世襲罔替。佐領牧地在官特山西南。齊民召南

高大爲漠北羣山東至大海之祖山之西旱曰卽龍嶺  
又西曰特勒爾濟嶺凡諸嶺以南水皆流入克魯倫河  
以北水皆流入敖嫩河敖嫩河源在克魯倫河源西北  
三百餘里實小官特山土人呼爲珂卽格官山山南爲  
喀爾喀地山北爲俄羅斯邊界嶺之北麓水卽楚庫河  
源北流入色楞格河者嶺之南幹山西南麓水卽土拉  
河源西南流折而西北會鄂爾坤河入色楞格河者此嶺  
爲漠北一大分水嶺也自小特官山東北行爲大興安  
山包絡黑龍江諸水之北而東入海一支折而南分爲  
二幹一東南爲大官特山起項又東南爲必爾喀嶺諸  
山爲北黑龍南喀魯倫諸水之界絲互千餘里至會合  
處一西南爲圖拉源山又南爲噶拉泰嶺折而西南爲  
興安嶺爲東克魯倫西士拉諸水又西南而西北至土  
拉會鄂爾坤河處自此而西北羣山皆以阿爾泰山爲  
祖若論漠北大分水之處一東至東海一北至北海則  
莫高於官特山矣一統志官特山在敖嫩河源之南卽  
克魯倫河發源處小官特山在西北與特勒爾濟嶺相  
近士拉河發源於此理藩院則例喀爾喀官特依罕山

每年春秋二季由太汗山時其境當土喇河源汗山亦  
常寺頒發香帛致祭曰慈山  
在興安嶺北土喇河南岸元秘史謂之不兒罕山太祖  
微時爲三種蔑兒乞人所困全家避難此山蔑兒乞人  
繞山三徧搜之不獲既脫難惟旬告天曰我得性命被  
不兒罕山遮救了這山久後時常祭祀我的子子孫孫  
也一般祭祀向日將繫腰挂在項上帽子挂在手上跪  
了九跪將馬奶子灑奠了謂是山也龔之倫後出塞錄  
天山在圖拉河之西約出長城三千里山不甚高藩名  
汗河嶺有明太宗勒石在焉圖拉卽土喇發源敖嫩河  
源之西南數十里許特勒爾濟嶺之西曰土喇色欽色  
欽蒙古語河源也徐文靖志甯堂稿詩注土喇河在凌  
霄山南巴顏烏喇西南凌霄殆卽汗山譯義之變然云  
河在山南則傾也沈君直曰張參議紀行自黑山之陽  
西南行九驛復抵一河深廣加翁陸連三之一魚之大  
若水之執捕法亦如之其水始西流深急不可涉北語  
云渾獨刺漢言兔兒也按渾獨刺今日土喇河太祖紀  
帝於土兀刺河上尊汪罕爲父洪茶邱傳從丞相伯顏  
北征至脫喇河土尊汪罕爲父洪茶邱傳從丞相伯顏  
兀刺河三宿而後反土兀刺脫喇秃兀刺皆卽渾獨刺

譯音之轉。土喇河東。喀魯倫河。西有東庫倫。其地曰昭  
莫多。譯言有林木也。蓋卽元秘史所云土兀刺河邊黑  
林子爲客列亦揚種姓王罕所卓帳矣。康熙三十五年  
五月。聖祖親征噶爾丹。西路大軍擊敗賊衆於  
此。朔漠方略議政大臣等奏噶爾丹目下窮困已極。應  
令主事諾爾布等從。御駕前行之路。西高齊特  
邊。哨叙達木哈喇俄博。由伊克札喇之西。抄過伊札爾  
額爾奇納克。踰阿爾噶蘇。台嶺。到特勒爾濟口。整飭軍  
士。以備剿滅。國史富善傳。康熙三十五年四月。  
駕駐西巴爾台。離噶爾丹所居之克魯倫河。計程五日。  
議者謂宜俟西路兵會剿。富善奏言。西路兵至尙遲時  
日。恐賊聞風逃竄。卽以中路兵剿賊。未爲不足。宜乘其  
不備。速遣精兵擊之。奏入。稱旨。會噶爾丹知  
上親征。盡棄其廬帳器械。潰竄。上密諭費  
揚古等。絕其歸路。先整兵。特勒爾濟口。以待。陣擊三千  
餘級。噶爾丹僅以身免。案先是。聖駕至。拖凌遣  
使噶爾丹。明告以六師親泣。并以所獲之額魯特。俄齊  
爾。偕往。噶爾丹初不信。謂中華皇帝不在京城。等  
享安樂。陟此窮荒。向爲平。及俄齊爾爲述。黃帽幔城等  
物。乃大驚。潛上孟納爾山。望見我軍士馬精強。不復敢

戰遂乘夜西遁至特勒爾濟山口我西路前鋒佯北以  
致之賊乘勝轉門而前遂大敗其眾於昭莫多殷化行  
北征紀略曰五月初四日雨雪暮抵土拉河  
營所期與大將軍會兵地也十三日戊辰曉發食時  
已哨得賊滿漢兵皆嚴陣以待久之賊不至大將軍遂  
令整陣前行可二十里過淖至昭磨多其北大山干仞  
矗立如屏不見所盡處大山之下平川廣數里林木森  
立有河流其間曲折環繞其南出差多於北漸坦而下  
有小山似馬鞍橫焉戰地也小山右連南山可二十仞  
自西折三崖如階乃至顛其東復一崖乃坦下其左右  
崖如削山根水繞之即土拉河也前鋒遇賊於特勒爾  
濟口佯北余兵因隔小山未知賊所在會副都統阿公  
領前鋒兵橫過而南問之揚鞭指曰此山過即賊也登  
視之遇孫將軍方至余言宜急據此山大將軍曰君即  
移兵上守之余馳回揮兵上山方至嶺而賊亦登山半  
矣見我師先據山顛遂止東崖下以崖為蔽舉銃上擊  
時大將軍以余言麾全軍上山布陣令河西緣營兵居  
中而京師右衛西安滿洲兵分左右兩翼及戰又令余  
領甯夏兵千三百居左唐總兵領涼肅兵千人居右皆  
據山為陣大同兵之後至者皆在山下沿河繞西向北

以防林中伏賊蒙古兵又分張列滿兵之左右會賊爭  
小山冲中堅故河西兵迎其鋒時日將中賊氛甚熾遂  
令士卒皆下馬以一卒併牽五馬餘兵皆出步戰發子  
母礮疊擊之而鳴爾丹及其妻阿努娘子等亦皆冒礮  
矢舍騎而鬥鋒其銳不可收擊傷相當余急使告大將  
軍曰河邊兵宜令其依柳林左出衝其脇又望賊陣後  
人馬甚盛而不敢助戰必其駝畜婦女也宜遣軍繞南  
右出以劫之將軍皆從之余望見兩軍將薄賊麾兵  
大呼而進上下夾擊聲震天地賊遂披靡其墜崖下者  
河溝皆滿棄如蓬麻戴星月追三十餘里回視追兵僅  
三數百人耳大將軍傳令收軍乃整旅回營已凌晨矣  
翁方綱題宋大業北圖詩曰色波呼嶺繞長河克勒倫  
到昭木多自注閱學北征日記西路破賊於昭木多其  
地距克勒倫河四百里魏源聖武記昭莫多之役  
費揚古道上所授方略各兵皆下馬步戰約間  
角聲始上馬每進輒以拒馬木列前自固日暮費揚古  
鳴角沿河伏騎一橫衝入陣一襲其後輜重賊始敗潰  
並燼其哈屯阿奴案朔漠方略西師既大敗噶爾丹捷  
奏未至間侍讀學士喇錫以降人丹巴哈什哈等來  
上親問之丹巴哈什哈奏十三日於特勒爾濟地



方突遇西路大兵見西路兵先據高阜已得地利我厄魯特就一小坡徒步拒敵與股化行所云爭據罕山之言合丹巴哈什哈又言大兵發鎗礮甚整且暇不知在前者爲何物擁木而進又以圓且紅之物蔽身直前既到十步內矢下如雨與魏源所云矢銃迭發藤牌繼之每進輒以拒馬木列前自固者合魏源又辯曰趙氏謂拒馬木擁於後示必死按拒馬木皆列於前所以制敵騎之衝突卽衛青武剛車自環之意準夷強敵非此不能遏之所謂先爲不可勝以待敵之可勝也兵入敵境不患不致死無擁於後之理其辯甚精惟云阿奴哈屯願哲故戰披銅甲佩弓矢騎異獸似駝非駝精銳悉隸麾下旣屬影附戲劇又代老胡杜撰歌詞以壯聽聞尤覺不經可笑耳聖祖御筆勒銘莫多曰天心洪武窮逆推因困蹶西富膏我軍鋒一鼓而殲漠庭遂空磨崖刻石不振武功圖麗珠異域錄七月初三日自鄂什欣布里地方下興安嶺北界至汗山東邊枯爾布里度地方其東南二十里許卽剿滅逆賊噶爾丹之召磨多地方在大路旁俱平坂小山谷中樹木叢生有小溪沿山麓川谷紆回而流初五日至土拉河岸因連朝陰雨河水泛漲旣無舟楫艱於北渡駐三日於駐宿無事

之暇往釣河濱獲樺魚魯魚十數尾皆二尺許烹以飼  
眾極其肥美又遣噶札爾圖往汗山銖斃大鹿一併分  
食之旅飯龍荒割鮮飽啗信異間矣土喇河自源西南  
流六十里與北源之出嶺北小甸特山南餘百餘里曰  
喀拉圖魯河會西南流九十里有哈溪河自西北合東  
來喀拉鄂模水西北來空烏魯河東南流來會又南五  
十里西有噶爾泰河自東南大山西流來會又西南經啟  
拉薩山西麓又西南有阿拉克他河自北來注之又西  
南有特勒爾濟河自西北大山合東占河二水東南流  
又合東北奎羅河來注之朔漠方喀噶爾丹既敗朋素  
克格隆初以諭降噶爾丹被留至是還至特勒爾濟謀  
厄魯特數百人窺伏河畔煙起犬吠盡俘之還又喇錫  
奏報噶爾丹情形曰臣等在特勒爾濟河上下汗山四  
圍山谷林莽之中據厄魯特所委棄之人七月二十一  
日至土拉駐札烏列台河上臣等前所遣正藍旗佐領  
恩格森等歸言我等於十六日到色楞格河之古爾班  
古庫兒對岸沿河上下躡覓新舊蹤跡噶爾丹未嘗往  
俄爾洪土拉總路去蓋湖特勒爾濟而上至札克埠地  
方後渡土拉河向西南去矣西北大山即有特山之西  
南大幹也又南經興安嶺西支阜曲折西流經厄圖克

山南麓其南岸卽昭莫多地。在興安嶺西百里河岸平處。其西曰巴顏朱拉克山也。折西北曲。曲流又折而西。經汗山東北麓。有坤河自南來入土喇河。又西有烏里雅思台河。自北大山來注之。又西有色勒弼河。自北來注之。卽色勒弼嶺東北麓水也。又西入中右末旗境。又案汗山乾隆中初登秩祀。祝曰：雄臨四部。翰藩連嶺。北之遙秀。拔干尋襟。帶重漠南之鎮。顯祐旣彰。夫有赫明。禋宜秩於無文。惟神位鞏坤維。德符良止。控金微而列障。內屏興安盤翠。巖以干霄。近紫圖喇。昔祖鑿輿三駕。銘崖欽談。烈之垂道。朕躬疇覆一家。披奏識懷柔之應。惟七十四旗之暨。培耕牧胥恬。總五千餘里之提封。和甘式協。克效靈於丕冒。爰肇錫以維馨。典備宸懸。仲月永垂。諸命祀忱。通胖蠻初筵。特遣夫司存神。其益懋聰明。彌昭順祐。和林舊壤。助余福善之施。瀚海全疆。慰彼抒誠之請。尙其鑒格。勿替歆承。修撰黃軒筆也。春秋祝文曰：惟神德秉安悼。功參平在。據昭莫多之右壤。勒銘而朔。淡動垂對。色勒弼之崇巖。作鎮而北庭。既錫五千里。廣輪袞互襟。帶資雄七四旗。牧養股蕃。懷柔顯應。朕福敷有赫。禮秩無文。駿奔嘉眾。部之誠靈。載等一家之庇。升馨舉典。溥惠澤以彌周。錫占馳悅。永

報祈於勿替，茲以赫仲特展明。汗山之北，是爲庫倫。其  
神其鑒焉。編修平恕筆也。鑰後出塞錄，自黑龍江西行三千五百餘里，至圖拉必  
喇巴，在歸化城之正北，再逾一嶺，往北數十里，卽苦另  
山。山甚峻，上有番僧奉大佛寺，及諸商賈，俱集於此。皆  
與鄂羅斯國貿易者，下苦另山，卽鄂羅斯國望之皆坦  
途。且有池塘溪菴，大小舟航，絡繹其間。芳艸長堤，桃柳  
掩映，宛然中華風致。非復黃沙白艸之地也。案苦另，卽  
庫倫也。曾與俄羅斯互市，設庫倫辦事大臣二人，一由  
在京滿洲蒙古大臣內，簡放一由喀爾喀札薩克  
內，特派所屬庫倫理藩院司官一人，筆帖式二人，  
恰克圖理藩院司官一人，轄卡倫會哨之各札薩克，以  
理邊務。凡行文俄羅斯薩那特衙門，皆用庫倫辦事大  
臣印支其東黑龍江境內，由黑龍江將軍呼倫貝爾副  
都統經理。其西至近吉里克以西，由定邊左副將軍科  
布多奈贊大臣經理。皆與庫倫辦事大臣會同酌辦。康  
熙二十八年議准，俄羅斯邊境以流入黑龍江之綽羅  
那阿倫穆河相近格爾必齊河爲界，自大興安嶺以至  
於海山之陽爲內地，山之陰爲俄羅斯地。雍正五年議  
准，俄羅斯人所居近山河者，以山河爲界，無山河之空

地設立鄂博爲界自東邊之額爾古納河岸至哈魯哈  
當爾阿魯奇都勒齊克泰奇蘭等處以相對之楚盧河  
爲界自此以西沿布爾古特山以博木沙畢爾嶺爲界  
各定立界石親王策凌傳雍正五年借內大臣四格等  
赴楚庫河與俄羅斯使薩瓦立石定界徐氏松曰楚庫  
者卽庫倫所屬之恰克圖也徐繼畲瀛環志略載羅斯  
國西伯利部亞細亞之北境也地分八部義爾德斯科  
在荷慕斯科之東地極廣大出銀鉛鑛兼產皮貨南境  
抵外興安嶺與喀爾喀蒙古土謝圖汗車臣汗兩部接  
壤南界有甲他城卽內地所稱恰克圖中國與俄人互  
市於此庫倫辦事大臣司其事彼以皮來我以茶往亞  
古德斯科在俄爾古德之東南境抵外興安嶺與黑龍  
江接壤康熙年間議定疆界立爲界碑其地寒甚冰雪  
之消融者每歲止三四月人戶稀少射獵之外無生計  
俄人取其所得之皮以當賦稅高宗純皇帝御  
製農甯寺碑記惟天眷佑我清丕冒萬國日月所照雨  
露所濡罔不服從當  
太祖  
達賴喇嘛班禪額爾德尼景慕  
聖德率先輸忱  
獻勿絕遠  
世祖章皇帝定鼎燕京達賴喇嘛萬里入覲貢  
聖祖仁皇帝親統六師平定朔漠則

有澤卜尊丹巴胡土克圖率七旗喀爾喀之眾朝  
行在所特封爲大喇嘛俾掌黃教康熙六十一年冬來  
朝明年示寂於京師恩禮有加雍正五年世宗憲皇帝遣使護  
歸其國帑金十萬兩卽故所居庫倫地册構大刹延及徒眾講  
經行法如達賴喇嘛班禪額爾濟尼在西域時故事乾  
隆元年工竣欽定寺名曰慶甯御題福祐恒沙以賜復  
允董役諸臣請伐石刻俾紀其事朕惟天生蒸民若  
有恒性性無弗善不以形體而睽不以疆域而隔因其  
同善之情而利導之此帝王之教所以立也黃教行於  
西北諸蕃無貴賤無不奔走信嚮要其爲說主於戒惡  
從善今使蒙古之眾誦習其文皈依佛諦其興起於善  
也必易人人樂趣於善將見邊方赤子同植善緣聖域  
又安中外禔福蒙被慶澤永永無斃我祖宗綏  
懷藩服錫福寔區萬國咸甯民生康阜主斯寺者惟有  
勸導羣生擴乃善性一心嚮化安享我國家太平之福  
庶無負皇考嘉惠諸藩之德意也夫編修萬承  
蒼所撰進也穆舊讀文清公松筠綏服紀略圖詩注著  
俄羅斯事補輯略曰其與中國通市之所曰恰克圖距  
俄斯國都莫斯科瓦西北數千里爲喀爾喀四部適中

之區。迪東二十八卡倫。士謝圖車臣兩部設池西十九  
 卡倫。札薩克圖賽音諾顏部設商民於此。建立木城。俄  
 羅斯亦於對面建設市。因萬貨雲屯。居然一都會也。  
 地有哲布尊丹巴胡圖克圖所駐之喇嘛木欄如城。故  
 名。距恰克圖八百里。有奇。庫倫南十餘里。有山曰汗阿  
 林。縣瓦高聳。幷樹如畫。恰克圖池東。車臣汗部屬十四  
 卡倫。沙甸平坦。迤西多山林木。芬鬱往來。以色楞河為  
 津要。連岡而東。迤南至袁圖達。霸罕其間。俠溝叢樹。虎  
 隘天成。足資控禦也。  
 斯毘連喀爾喀。應與定界。以杜爭端。而於在邊貿易者  
 約東亦便。雍正五年。欽派大臣察畢那特古忒  
 圖麗琛三人。前往勘定。設卡倫五十九所。極東十二卡  
 倫。就近屬黑龍江將軍統轄。輪派索倫兵戍守。迤西四  
 十七卡倫。以喀爾喀四部屬下。蒙古按其游牧。遠近每  
 卡設章京一員。率兵攜眷戍守。俄羅斯於對面一體安  
 設兩界。適中隙地。蒙古語曰薩布薩布。處所皆立鄂博。  
 閒遇叢林。鄂博難立。即創大樹。築議時庫倫。尙未派駐  
 防大臣。凡此卡倫。總令喀爾喀王丹津多爾濟統轄。先  
 是民夷交市。無定所。區界既正。相度得恰克圖地。設立

市集派理藩院司員三年一換駐劄總理此開闢通市

之始也丹津多爾濟卒其孫宰桑多爾濟嗣先職整頓

卡倫益完善繼以夷務繁乾隆二十七年欽東至

差大臣同宰桑多爾濟協辦此庫倫駐劄之始矣

烘郭爾陀羅海接車臣汗部右翼中前旗界南至巴彥哈達接車臣汗部右

翼中旗界西至多木達烏爾察克接軍臺及中右末旗界北至達喇爾

札河源山梁接右翼右末旗及右末旗界東北至哈台接車臣汗部中右後

旗西北至哈麻爾嶺接中右末旗及右翼右末旗界東南至布庫都爾

哈喇烏蘇接車臣汗部右翼中右旗界西南至達什隆山接左翼右末旗界

左翼後旗札薩克鎮國公游牧察琿多爾濟族子禮塔爾曾祖喇瑚里子五長本塔爾順治十年率族面內駐牧張家口外是爲喀爾喀右翼部本塔爾弟色爾濟留



居杭愛號達賴岱青子敖巴號額爾克阿海卽禮塔爾父也初隸賽音諾顏善巴旗康熙二十七年來歸以喀爾喀右翼親王諾內於己爲從父兄弟附牧部內二十八年授札薩克二十九年選兵赴土喇縱屬劫驛騎

上宥不治三十一年大封喀爾喀敖巴以罪不封三十二年卒禮塔爾入 覲謝罪授札薩克一等

合吉孫達什丕勒乾隆十九年以護視杜爾伯特游牧功封輔國公二十一年晉固山貝子復以捐駝馬助軍賜貝勒品級尋晉郡王品級卒子德沁喇木丕勒降襲貝勒四十六年 詔世襲罔替五十七年

降鎮國公佐領牧地當阿爾泰軍臺所經翁金河至是

豬於胡爾哈鄂倫諾爾諾爾直漠南河套可入百里託舊作呼拉喀五郎鄂模周二十

餘里諾爾東北五十里有哈喇哈達山又東北有徹徹

山又東北有上凱山皆沙海中孤嶼也翁金水際西十

三度三分極四十六度九分諾爾西九度四分極四十

五度二分自西北而東南行大漠中近千里也齊氏召

南曰自杭亦哈馬勒山而北水皆北流至俄東至溫都

羅斯國入北海此山之南則翁金河最著也

爾西里接軍臺及左南至巴彥哈喇接烏喇特西至尼

楚渾布拉克接賽音諾顏北至額爾德尼陀羅海接右

翼及軍部中前旗界東北至察漢烏蘇接土謝圖汗旗及西北至博

爾濟吉特接右翼左末旗及賽東南至西尼察漢鄂博

音諾顏部中前旗界中右末旗札薩

接左翼西南至珠奇斯庫札接烏喇特

中旗界中旗界

克輔國公游牧西第什哩長子辰丕勒多爾濟康熙四十五年弟丹津多爾濟襲父爵辰丕勒多爾濟協理旗務五十八年隨哲布尊丹巴胡圖克圖入 覲請

編所屬別爲一旗授札薩克一等台吉子三都布多爾

濟乾隆二十四年以戎績卓著封輔國公乾隆十九年三都布多爾

濟隨叅贊大臣努三等赴阿勒和碩偵烏梁海宰桑赤

倫遁吹河由喀喇莽奈直抵所居降其屬四百四十五

戶解送特斯鄂其理安置之二十年督辦軍需駐烏里

雅蘇台間阿逆叛馳赴札布堪擒其孛及其黨班珠爾

札木禪等時因爾班和卓等賊眾千餘戶潛通烏梁海

誘同逃犬軍猝與遇三都布多爾濟督兵追斬盡誅之  
青衮咱卜就擒其子齊蘇隆多爾濟等竄哲布尊丹巴  
胡土克圖所三都布多爾濟縛送京師二十三年定邊  
右副將軍親王車布登札布進兵哈薩克奏請三都布  
多爾濟隨征至和落霍斯偵賊據高岡夾擊之賊棄岡

遊追剿至昭達  
里克賊眾盡降四十六年

詔世襲罔替  
左領收

地跨土喇河

土喇河自中旗汗山北麓會色勒弼河又西至色勒弼嶺南麓曲曲西南二百數十

里至杜蘭喀喇山之北山南即大漠西十度極四十七度五分南徑甯夏九度徑套北陰山六度河隨山折而西北流入中右旗境南岸即杜蘭支阜縣互東至烏克北岸即色勒弼嶺支阜又北行爲查木勒山

庫木爾

接中旗及軍臺界

南至布蘊奎

接軍臺及左翼右末旗界

西至拜圖

接中右

北至車根察罕諾爾

接右翼左後旗界

東北至阿爾噶

棧接右翼右末旗及軍臺界

西北至達什隆山

接右翼左後旗及中右旗界

東南

至多木達烏爾察克

接軍臺及中旗界

西南至塔本陀羅海

接中

右旗界輔國公巴木丕勒多爾濟傳雍正八年由額爾德尼昭運屯田穀實於塔本陀羅海

左翼左

中末旗札薩克輔國公游牧察輝多爾濟第四子車凌

巴勒初授一等台吉康熙五十年

駕幸避暑山

莊來朝

上追念其父來歸之誠封札薩克輔國

公析其從子札薩克台吉班珠爾多爾濟五佐領隸之

乾隆四十六年

詔世襲罔替

佐領

牧地當喀魯

哈河源

喀魯哈河流出平地在翁金河之北二百里鄂爾坤河北折之東四百里西十二度極四十六

度七分有二泉西北流而合又西北百餘里有一水西南自科洛爾昆山東北流百里來會山在額爾德尼昭

之東南九十里又北流經昆庫勒山西折東北經科克內山西又北流折而東北曲曲數百里與土喇河會水

口東即查木勒山西麓也此水源流長七百餘里

東至哈勒占

接中右旗界

南至哈

坦烏蘇

接土謝圖汗旗界

西至達翰得額沁烏蘇

接土謝圖汗旗界

北

至布爾噶蘇台鄂博爾商達

接土謝圖汗旗界

東北至烏蘇風

接土謝圖汗旗

及中右旗界。西北至薩爾丹。

接土謝圖汗旗界。

東南至珠爾

奇台。

接軍臺及左翼右末旗界。

西南至達爾瑪。

接土謝圖汗旗界。

右翼右旗

札薩克輔國公游收察琿多爾濟第三子班第達額爾

德尼納木札勒來歸授札薩克尋卒子班珠爾多爾濟

康熙三十年授一等台吉襲其父所遺札薩克子琳丕

勒多爾濟乾隆二十年以功封輔國公。

伊犁初平隨同部郡王額璘沁

多爾濟由尼袞楚軍營護送阿睦爾撒納入

行抵烏隆古阿逆詭稱歸收治喪額璘沁多爾濟遣

不勒多爾濟送之從二十餘騎至察罕郭勒阿逆麾兵

反攻琳丕勒多爾濟被圍拔矢環射奮勇奪路歸遇其

後隊邀擊之獲阿逆所用旗纛

甲首詔獎其勇晉今爵

四十六年詔世襲罔替佐領

收地東至錫伯格圖

接土謝圖汗旗界

南至諾昆

陀羅海

接軍臺及左翼後旗界

西至烏遜珠爾東山

接賽音諾顏部中前旗界

北至齊克達噶圖嶺

接土謝圖汗旗界

東北至莫霍爾布拉克

接土謝圖汗旗界

西北至圖隆奎山陽

接土謝圖汗旗界

東南至鄂伯

爾珠爾奇台

接土謝圖汗旗界

西南至額爾德尼陀羅海

接賽音諾

顏部中前旗界

左翼前旗札薩克輔國公游牧察理多爾濟從

弟巴朗父喇布塔爾號達爾漢諾顏早通朝貢順治初

以不附逆蒙

獎賚

蘇尼特騰機思叛逃喀爾喀土謝圖汗袁布車臣汗碩畢

皆遣兵迎獨喇布塔爾與從弟額爾克岱青持不可日

諭曰爾等自通好以來忱悃甚摯

今復不行舉兵助逆忠順如此朕豈有不報

錫賚便養 康熙二十

七年巴朗攜屬來歸

賜牧蘇尼特界內烏訥齊

三十年授札薩克一等台吉子旺布乾隆三年敘前後

防剿準噶爾功晉輔國公四十六年

詔世襲罔

替

佐領

牧地跨喀魯哈河東至布爾胡庫克阿薩克圖

接右翼左後旗界

南至得爾素圖多奎

接土謝圖汗旗界

西至額爾得

尼陀羅海

接賽音諾顏部額魯特前旗界

北至巴顏額爾克圖

接右翼左旗界

東北至達什察勒

接右翼左旗及右翼左後旗界

西北至烏噶勒札山

接賽音諾顏部額魯特前旗界

東南至沁陀羅海

接中左旗及中右旗界

西南至

翁奎諾爾鄂博

接土謝圖汗旗界

右翼右末旗札薩克輔國公

游牧貝子錫布推哈坦巴圖魯長子巴海康熙四十五

年弟車布登襲父爵巴海協理旗務雍正九年以功封



札薩克一等台吉十年晉輔國公

大軍剿噶爾丹策凌多

誘擊之巴海以兵六百夜入賊營擒三人還賊將貢楚

克札布喀喇巴圖魯率三千騎來追伏發敗之嗣乾隆

四十六年

詔世襲罔替

佐領

牧地當哈拉河源

哈拉河源出土喇河北與汗山相對之色勒弼嶺異域  
錄土拉河北岸有色爾畢爾谷口三處谷內之艸暢茂  
野卉爛漫鋪地如畫鮮耀奪目山之陰皆叢林有杉松  
楊樺樹極其森茂是水出嶺北麓曰揆河二河合而  
北有那林河自西南來會又北有布勒哈太二河自西  
東會又北有阿達海河自東南納拉河自東來會又  
北有通勒河東北至阿郎特山之西麓合三源西南  
流來會流百五十餘里又北折西北流百餘里有一河  
自東北合數水來會又西經陀羅什山北哈達圖爾山  
南有博羅河自南來會又西北有查克都勒河自西南  
來會又西北折正北流百餘里經都拉遜那拉酥查克  
丹地之東大松林也又北經喀里雅喇山東麓又北入

鄂爾坤河源委六百餘里一統志哈拉河大於土拉小  
於色楞格與色楞格並環繞諸山中水清流急兩岸榆  
柳蓼莫叢生其間夏多蚊蚋中有魚其入色楞格河東  
處北與俄羅斯接壤南則土謝圖汗游牧之處也

至恰克圖山梁

接右翼左末旗界

南至烏里雅呼嶺

接中旗及軍臺界

西至阿爾噶稜

接右翼左後旗及中右末旗界

北至諾木圖布拉克山

梁

接右翼左末旗界

東北至曼達勒鄂博爾

接右翼左末旗界

西北至

索甯杭愛

接右翼左後旗界

東南至達喇勒濟山梁

接中旗界西南

至哈瑪爾嶺

接中旗及中右末旗界

中左旗札薩克公品級一等

台吉游牧親王丹津多爾濟第三子三達克多爾濟初

授一等台吉乾隆三年兄子桑齊多爾濟襲爵幼以三

達克多爾濟代理旗務

賜公品級十八年封輔

國公二十年，晉貝子品級二十三年，桑齋多爾濟請析所屬隸三達克多爾濟別爲一旗。

詔授札薩克

四十六年，理藩院議缺出請

旨五十二年，孫薩

蘭多爾濟降襲公品級一等台吉。

佐領

收地東至察奇

爾哈喇。

接中右旗界

南至善達勒。

接中右旗界

西至阿爾噶稜。

接上

謝圖汗

北至阿魯哈朗。

接右翼前旗界

東北至沁陀羅海。

接中右旗

及右翼左後旗界

西北至察罕齊老圖。

接土謝圖汗旗界

東南至茂碧

柳圖。

接中右旗界

西南至薩勒噶山梁。

接土謝圖汗旗及中右旗界

左翼

右末旗札薩克一等台吉游牧郡王固魯什喜從子開木楚克康熙二十七年，率屬來歸，以與固魯什喜不睦。

三十六年 命編所屬別爲一旗授札薩克一等

台吉乾隆四十六年 詔世襲罔替佐領牧地當

阿爾泰軍臺之東達庫倫之驛東至伊克噶襍爾阿齊

圖烏拉罕接車臣汗部南至什礪陀羅海接左翼西至

布拉幹搜吉接左翼北至布蘊奎接中右旗東北至

桑錦達賚接中旗及車臣汗西北至哈坦烏蘇接左翼

旗西南至庫圖勒多倫左翼末旗札薩克

一等台吉游牧固噶什喜從弟車稜號墨爾根岱青康

熙二十七年來歸三十年授札薩克一等台吉乾隆四

十六年 詔世襲罔替佐領牧地當阿爾泰軍臺

之東東至卓克烏蘇

接左翼中旗界

南至哈沙圖

接左翼中旗界

西至

珠格布里

接軍臺及左翼中左旗界

北至什礪陀羅海

接左翼右末旗界

東

北至巴噶哈台

接左翼中旗界

西北至庫圖勒多倫

接軍臺及左翼右末

旗

東南至察罕哈達

接左翼中旗界

西南至哈札布齊

接軍臺及左翼

中左旗界

左翼中左旗札薩克

一等台吉游牧固噶什喜從

子遜篤布初授協理台吉隸從子郡王敏珠爾多爾濟

旗雍正十年以功授札薩克一等台吉

超勇親王敗準噶爾於額爾德

尼昭賊沿鄂爾坤上流竄推河遜篤布以兵干掩擊乾

貨走西爾哈昭隨叅贊大臣馬蘭泰馳逐斬獲無算乾

隆二十一年

賜公品級

青衮咱卜

兵遜篤布與車臣汗部

札薩克台吉成衮札布察其詐

督兵嚴

守各汛營死拒申問有

詔褒嘉

赴烏梁海購馬。削公品級。子三篤克多爾濟襲。四十六

年。

詔世襲罔替。佐領牧地當阿爾泰軍臺之西。

東至札拉噶圖。接軍臺及左翼末旗界南至察布齊爾。接左翼中旗界西

至烏拉罕齊奇烏蘇。接左翼後旗界北至達奇勒噶圖溫都爾。

接左翼後旗界東北至札克烏蘇。接軍臺及左翼末旗界西北至那林布

拉克。接左翼後旗界東南至哈札布齊。接軍臺及左翼中旗界西南至哈

坦烏蘇。接左翼後旗及左翼中旗界中次旗札薩克一等台吉游牧

固魯什喜次子成衮札布。初授協理台吉。隸兄郡王多

爾濟阿拉布坦旗。康熙五十八年。其母請析多爾濟阿

喇布坦人戶。別爲一旗。令成衮札布轄之。授札薩克一

等台吉乾隆四十六年

詔世襲罔替

佐領

牧地

當左翼中旗之東圍出一小游牧東至西雅博克南至

烏蘭商達西至額爾沁烏蘇北至庫克尼屯東北至額

固得西北至哈喇鄂得西南至哈勒占鄂博

皆接左翼中旗界

東南至格札格噶順

接蘇尼特右旗界

右翼右末次旗札薩克

一等台吉游牧貝子錫布推哈坦巴圖魯弟青多爾濟

康熙三十年來歸三十五年從征噶爾丹有功授札薩

克一等台吉析錫布推哈坦巴圖魯別爲一旗令轄

之乾隆四十六年

詔世襲罔替

佐領

牧地跨

鄂爾坤河色楞格河

西五十度北極出地五十度強

東至薩爾金河

接

左翼末接右翼左末旗界南至賽爾額沁接右翼左末旗界西至塔里雅那台河

接右翼左末旗界北至札勒圖爾河接邊喀界東北至桑喀勒圖河接中

左翼末旗西北至罕台阿嚕布拉克接邊喀及右翼左旗界東南

至札克圖勒河接右翼左末旗及軍臺界西南至庫克車格勒接右翼左

旗右翼左後旗札薩克一等台吉游牧郡王車木楚克

納木札勒弟朋素克喇布坦初授協理台吉雍正八年

上以其材超眾且諳蒙古務 命析車木

楚克納木札勒二佐領令轄之別爲一旗授札薩克一

等台吉乾隆四十六年 詔世襲罔替左領牧地

土喇河喀魯哈河於是合流西十度極出地四十八度五分強東至薩



喇博羅圖

接右翼左末旗界

南至達什隆山

接中右旗及中右末旗界

西至

珠格楞嶺

接左翼前旗界

北至那林茂海溫都爾

接右翼左旗界

東北

至達罕得勒圖嚕勒錦

接右翼左旗界

西北至烏拉罕什巴爾

額沁溫都爾

接右翼左旗界

東南至阿爾噶棧

接右翼右末旗及中右末旗界

西南至滿達勒

接左翼前旗界

中左翼末旗札薩克一等台吉

游牧貝子錫布推哈坦巴圖魯從子車稜札布康熙二

十七年避噶爾丹掠率所屬徙牧俄羅斯境三十二年

集屬六百來歸聞錫布推哈坦巴圖魯駐牧巴顏烏蘭

乞往附

允之三十三年

上念其父達什

爲喀爾喀舊札薩克授車稜札布一等台吉仍兼札薩

克三十四年移牧俄僂界乾隆四十六年

詔世

襲罔替

佐領四

牧地當鄂爾坤河色楞河合流處

異域錄又行十

日。至喀爾喀之北界車凌札布部長之邊界博拉地方

兩傍皆山鄂爾坤河自東南向西流入色楞格河色楞

格河來自西南環繞山北向東北流過俄東至烏雅勒

羅斯之楚庫柏興又向北流入拍梅兒湖

噶河接邊南至邦吉山梁接右翼左西至薩爾金河接

翼右末北至察罕烏蘇河接邊東北至博拉河接恰克

次旗界北至察罕烏蘇河接邊東北至博拉河接恰克

及邊喀界自庫倫有驛經右翼右末旗右翼左末旗至

是達於恰克圖爲通俄羅斯互市之道異域錄博拉地

方皆坤塋甚泥濘潦水成澤其東南林木森密望之鬱

然多蚊虻頗毒指引而行又行一口至兩國接壤之

蘇希克圖地方兩傍皆山林谷中有溪河北山之上

泉其水甘而涼谷內之艸暢茂蚊虻甚多揮之不暇

越二宿於二十三日至楚庫柏興相近色楞格河之南

岸駐札又曰楚庫柏興係俄羅斯國界相隔我國喀爾

喀部長台吉車稜札布之邊界博拉地方二百餘里其  
 開皆山不甚大沿塗皆林藪惟有杉松樺樹而已色楞  
 格河寬四五丈不等水清溜急自西南向東北而流  
 楚庫河水自東南流至柏興之南十里外歸入色楞格  
 河沿岸皆叢柳櫻榆案魏書序紀宣皇帝推寅南遷  
 大澤方千餘里厥土昏冥沮洳謀更南徙未行而崩獻  
 皇帝薨時有神人言於國曰此土荒遐未足以建都邑  
 宜復徙居帝時年衰老乃以位授子聖武皇帝詰汾蘇  
 帝命南移山谷高深九難八阻於是欲止有神獸其形  
 似馬其聲類牛先行導引歷年乃出始居匈奴之故地  
 云云案以圖麗琛所記證之匈奴故地今喀爾喀四部  
 地也喀爾喀接壤俄羅斯國俄羅斯自元以來漸著蔽  
 籍又經四五百年之開鑿至康熙末年尚稱沮洳泥濘  
 山高林密賴嚮導指引而行則元魏以前之茫昧榛杳  
 可知自非有神人異獸何由轉徙而南乎然則元魏之  
 先乃俄羅斯產所謂山谷高深九難八阻必由俄羅斯  
 出自喀爾喀之道殆卽今楚庫喀倫以北圖麗琛諸人  
 所經行矣序紀遠溯黃帝適形其誕若此南遷之績則  
 其祖宗以來相傳國史不同架空誣捏矣紀傳之言有  
 歷數千百載而始契證確鑿者謂非讀書攷古之奇快

乎。又案世祖紀眞君四年三月壬戌烏洛侯國遣使朝貢。四夷傳勿吉在高句麗北。失韋在勿吉北千里。地豆干在失韋西千餘里。烏洛侯在地豆干之北。去代都四千五百餘里。西北二十日行。有于已尼大水。所謂北海也。世祖眞君四年來朝。稱其國西北有國家先帝舊墟石室。南北九十步。東西四十步。高七十步。室有神靈。民多祈請。世祖遣中書侍郎李敞告祭焉。刊祝文于室之壁而還。靈徵志魏先之居幽都也。鑿石爲祖宗之廟於烏洛侯國西北。自後南遷。其地隔遠。眞君中烏洛侯國遣使朝獻。云石廟如故。民常祈請。有神驗焉。其歲遣中書侍郎李敞詣石室告祭天地。以皇祖先妣配。敞等旣祭。斬樺木立之。以置牲體而還。後所立樺木生長成林。其民益神奉之。石室南距代京可四千餘里。云云。案以里到方位攷之。烏洛侯爲今俄羅斯地。無可疑者。然則元魏之爲俄羅斯產。本書自有明文。尤可據者。靈徵志言斬樺木以置牲體。後所立樺木生長成林。而異域錄所紀俄羅斯物產亦惟松樺爲多。艾儒略職方外紀漠北有烏洛侯。皇朝通考四裔考因之。且言侯乃俟之形。馮斯則俟之聲。轉直以烏洛侯爲俄羅斯。非鑿空也。俞君理初但檢魏書本紀而不覈傳志。因疑俄羅斯

時尚未起侯必非侯謬舊唐書唐會要烏羅渾國並云蓋後魏烏洛侯今亦謂之烏羅護是侯護渾同一對音字不應就中國字形擅改爲侯復轉其音爲侯以就西夷向壁之論竊謂侯字卽非侯謬其地北去代都四千五百餘里亦必爲俄羅斯地無疑況如漢之屯氏至隨而屯爲爲毛因於其地立毛州安知此渾護之音不因俟字既謬侯而移謬若此乎寰宇記云烏羅渾國亦謂之烏護乃言謬也總緣譯無定字展轉密誤攷者但以里到山川覈之蓋其沿革可矣俞君之言非通議也右翼左末旗札薩克一等台

吉游牧察琿多爾濟從弟錫布推哈坦巴圖魯幹齊爾賽因汗阿巴岱之曾孫也祖錫布固泰號鄂爾齊圖瑛台吉父睦車號烏巴什瑛台吉錫布推哈坦巴圖魯初與弟青多爾濟等駐牧巴顏烏蘭康熙二十七年避噶爾丹掠走避喀魯倫河三十年來歸封札薩克輔國公

仍歸巴顏烏爾游牧尋徙土喇河三十四年走陰山北

冬徙色楞格河三十八年敘追擒巴爾呼逃眾功晉固

山貝子次子車布登初降襲鎮國公雍正元年晉多羅

貝勒居察哈爾之額魯特降人羅卜藏錫拉布等叛逃車布登追緝之射斃其眾阿玉什額博墨等敘功

晉爵貝勒乾隆二十一年以附青衮咱卜罪削爵宥死子齊

旺多爾濟降襲輔國公孫齊素曠多爾濟復降襲一等

台吉仍兼札薩克四十六年佐領詔世襲罔替

牧地有溫泉水道提綱鄂爾坤河又東經都蘭哈喇地北出山即庫庫齊老圖山之麓此山自南

而北折而東長二百數十里當鄂爾坤河南岸其東有溫泉哈拉河見伊遜河錄土

拉河北岸諸山有色爾畢谷口三處及松吉納山嶺三處其間自各山發源流入土喇鄂爾坤色楞格河之小

河則有博羅哈拉席喇伊魯爾伊邦等河其水清而湍急兩岸皆叢柳產樺魯鯉鯽鱒等魚案伊遜河即異域錄之伊魯爾河又作衣魯河水道提綱鄂爾坤河既與哈拉河會又東北有衣魯河自東南合三水來注之又正北流至布龍山東北支烏而色楞格河自西來會案自東南所合之三水又即異域錄所稱伊邦等河也

東至拜察哈達

接車臣汗部中右後旗界

南至阿勒坦鄂羅格依

接中

旗西至薩喇博羅圖

接右翼左後旗界

北至邦吉山梁

接中左翼末旗

及軍臺界東北至敏吉河

接邊喀界

西北至札克都勒河

接右翼右末次

旗東南至哈台山

接中旗界

西南至諾木圖布拉克

接右翼右末旗

界統盟於汗阿林

即汗山也蒙古謂山曰阿林理藩院則例圖什業圖汗等十七旗兵丁於

烏克推濟爾哈爾圖地方查驗又在圖什業圖汗部落內伊琿地方種地民人領有嘉慶八年執照者准其在彼居住種地應用長工人數遵照內地稽查保甲之例設立門牌詳注姓名籍貫令該札薩克按月稽查

蒙古游牧記卷之七

受業青陽吳式訓覆校